



醫學綱目卷之三十六

小兒部

小兒通治

錢五臟所主

錢氏診
五臟虛
實

安
心主驚 實則叫哭發熱飲水而搐 虛則困臥悸動不

肝主風 實則目直視大叫呵欠項急煩悶 虛則咬牙
多欠氣熱則外生風氣溫則内生風

脾主困 實則困睡身熱飲水 虛則吐瀉生風
肺主喘 實則悶亂喘促有飲水者有不飲水者 虛則

哽氣長出氣短
腎主虛 無實也惟瘡疹腎實則黑陷

更當別虛實證如肺病又見肝證咬牙多呵欠者易治肝
虛不能勝肺故也若目直視大叫哭項急煩悶者難治蓋



肺病久則虛冷肝強實而反勝肺也宜視病之新久虛實
虛則補母實則瀉子

五藏病證

肝病哭叫目直視呵欠煩悶項急 心病多叫哭驚悸手
足動搖發熱飲水 脾病困睡洩瀉不思飲食 肺病悶

亂哽氣長出氣短氣喘急○腎病目無精光畏明體骨重

肺藏怯○唇白色當補肺阿膠散主之若悶亂氣麓喘促

哽氣者難治肺虛損故也○脾肺病久則虛而唇白脾者

肺之母也母子皆虛不能相營故名曰怯肺主唇唇白而

光澤者吉白如枯骨者死此以唇診肺之法也唇白色者

衣領及亂絲物者肝熱也宜瀉青丸手搦

心實○心氣實則氣上下行濟若合而臥則氣不得通故

喜仰臥使氣得上下通也瀉心湯主之心氣熱則合面

腎虛○兒本虛怯由胎氣不成則神氣不足目中白睛多

顛解顛開面色既白者皆為難養雖長不過八八之數若

恣色慾不及四旬而亡或有因病而致腎虛者非也又腎

不足則下竄蓋骨重惟欲墜下而身縮也腎者陰也腎氣

虛則畏明皆宜補腎地黃丸主之心氣熱則上竄宜導赤

散腎氣虛則下竄宜地

肝病勝肺○肝病秋見一作肝勝肺也肺怯不能勝肝當

補脾治肝益脾者母令子實故也補脾益黃散治肝瀉青

丸主之

肺病勝肝○肺病春見一作肺勝肝也肝怯故受病當補

肝腎治肺補肝腎地黃丸治肺瀉白散主之

五臟相勝輕重○肝病見秋木旺肝勝肺也宜補肺瀉肝

輕者肝病退重者唇白而死

肺病見春金旺肺勝肝也當瀉肺輕者肺病退重者目淡

五藏相勝參見時令

黃丸是也

五藏雜

青必發驚更有赤者當搐海藏云為肝怯故目淡青也

心病見冬火旺心勝腎也當補腎治心輕者心病退重者下竄不語腎怯虛也

腎病見夏水勝火腎勝心也當瀉腎輕者腎病退重者悸動當搐

脾病見四旁皆放此治之順者易治逆者難治脾怯當面赤目黃五臟相反隨證治之

右五臟相勝病隨時令乃錢氏擴充內經藏氣法時論之旨實發前人所未發者也假如肝病見於春及早晨

乃肝自病於本位也今反見於秋及日晡肺之位知肺虛極肝往勝之故當補脾肺瀉肝也餘倣此

凡病先虛或已經下有合下者必先實其母後瀉其子也假令肺虛而痰實此可下之症先當益脾後方瀉肺也

五藏補瀉法

瀉青丸又名瀉肝丸 導赤散海藏云瀉丙小腸 瀉心湯海藏云瀉心

安神丸錢氏治心虛痞熱神思恍惚 益黃散又名補脾散海藏云此散劑難脾以燥濕東垣云吐腹痛瀉利清白之聖藥也 瀉黃散又名瀉脾散海藏云瀉脾熱

阿膠散又名補肺散海藏云杏仁本瀉肺散海藏云治肺熱骨蒸自汗用此直瀉之類也 瀉白散又名瀉肺散海藏云治肺熱骨蒸自汗用此直瀉之類也

地黃丸海藏云治腎虛解顛即癆病也治脈毛而虛方見勞瘵

潔熱則從心寒則從腎嗽而氣上從肺風從肝瀉從脾假令瀉兼嗽又氣上乃脾肺病也宜瀉白益黃散合而服之

脾苦濕肺苦燥氣上逆也其症見瀉又兼面色黃腸鳴嘔

嗽者宜服理中湯瀉而嘔者宜服茯苓半夏湯如瀉而渴熱多者宜服黃芩厚朴湯不渴而熱少者宜服白朮厚朴

湯其他五臟若有兼症皆如此類推之更詳後論四時推移用藥

潔古論五臟病與錢氏微異

心自病

心主熱自病或大熱瀉心湯主之 實則煩熱黃連瀉心湯主之 虛則驚悸生犀散主之

五邪乘心法

肺乘心微邪喘而壯熱瀉白散主之 肝乘心虛邪風熱煎大羌活湯下大青丸主之 脾乘心實邪泄瀉身熱瀉黃散主之 腎乘心賊邪恐怖惡寒安神丸主之

肺自病

肺主燥自病則喘嗽燥則潤之 實則喘而氣盛瀉白散主之 虛則喘而少氣先益黃散後阿膠散主之

五邪乘肺法

心乘肺賊邪熱而喘嗽先地黃丸中導赤散後阿膠散主之 肝乘肺微邪惡風眩冒昏憤嗽羌活膏主之 腎乘肺實邪增寒嗽清利百部丸主之 脾乘肺虛邪體重吐痰洩瀉嗽人參白朮散主之

肝自病

肝主風自病則風搖拘急肝苦急急食甘以緩之佐以酸苦以辛散之 實則風搖力大瀉青丸主之 虛則風搖

五邪乘肝法

力小地黃丸主之 心乘肝實邪壯熱而搖利驚丸涼驚丸主之 肺乘肝賊邪氣盛則前伸呵欠微搖法當瀉肺先補本臟補肝地黃丸主之瀉肺瀉白散主之 脾乘肝微邪多睡體重而搖先當定搖瀉青丸主之搖止再見後症則別立法治之

脾自病

腎乘肝虛邪增寒呵欠而搖羌活膏主之 脾主濕自病則洩瀉多睡體重昏倦脾苦濕急食苦以燥之 實則泄瀉赤黃睡不露睛瀉黃散主之 虛則泄瀉色白睡露睛白朮散主之

五邪乘脾法

肝乘脾賊邪風瀉而嘔茯苓半夏湯主之 心乘脾虛邪壯熱體重而瀉羌活黃芩蒼朮甘草湯主之 肺乘脾實邪能食不大便而嘔吐嗽煎檳榔大黃湯下葶藶丸 腎乘脾微邪惡寒泄瀉理中丸之類主之

腎自病

腎主寒自病則足脛寒而逆人之五臟惟腎無實小兒瘡疹變黑陷則是腎實水尅退心火

五邪乘腎法

心乘腎微邪內熱不惡寒桂枝湯主之 肺乘腎虛邪喘嗽皮澁寒百部丸主之 肝乘腎實邪拘急氣搐身寒理中丸主之 脾乘腎賊邪體重泄瀉身寒理中丸主之

五臟隨四時補瀉

凡五臟虛弱是自已正令不行乃鬼賊之所尅害當補本臟之正氣假令肺病喘嗽時於初春見之法當補腎見於夏救肺見於秋瀉肺見於冬補心瀉本臟又名寒嗽大抵

五臟各至本位即氣盛不可更補到所克位不可更瀉云五藏子母虛實鬼賊微正若不達旨意不易得而入焉在前者為實邪在後者為虛邪妻來乘夫為微邪夫來乘妻為賊邪本藏自病為正邪

參顏色

潔肝病面白 肺病面赤 脾病面青 腎病面黃 心病面黑 若肝病驚搐而又加面白痰涎喘急之類此

皆難治餘倣此推之假令春分前風寒也宜用地黃羌活防風或地黃丸及瀉青丸相間服之春分後風熱也宜用羌活防風黃芩或瀉青丸導赤散下之立夏後熱也宜用三黃丸導赤散夏至後濕熱也宜用導赤散瀉黃散合而服之或黃芩人參木香之類秋分後用瀉白散立冬後用地黃丸主之謂腎不受瀉也

潔古海藏補錢氏法

海補肝丸四物湯內加防風羌活等分為細末煉蜜丸是也

鎮肝丸瀉青丸去梔子大黃治肝虛 瀉腎丸治脈洪而實前熟地改生地去山茱萸是也此治左手本部脈若右尺洪實以鳳髓丹瀉之此地黃丸即仲景八味丸去桂附若加五味子腎氣丸也此益肺之源以生腎水焉

禁忌 丹慈幼論○人生十六歲已前血氣俱盛如日方昇如月

將圓惟陰長不足腸胃尚脆而窄養之道不可不謹童子不衣裘帛前哲格言具在人耳裳下體之服帛溫暖甚於布者也裘皮服溫軟甚於帛者也蓋下體主陰得寒涼則陰易長得溫暖則陰暗消是以下體不與綿絹夾厚溫暖之服恐妨陰氣實為確論血氣俱盛食物異消故食無時然腸胃尚脆而窄若稠粘乾硬酸醎甜辣一切魚肉水菓濕麪燒炙煨炒俱是發熱難化之物皆宜禁絕只與熟菜白粥非惟無病且不縱口可以養德此外生栗味醎乾柿性涼可為長陰之助然栗太補柿太澁俱為難化亦宜少與婦人無知惟務姑息畏其啼哭無所不與積成痼疾雖悔何及所以富貴驕養有子多病迨至成人筋骨柔弱有食則不能忌口以自養居喪則不能食素以盡禮小節不謹大義亦虧可不慎歟至於乳母尤宜謹節飲食下咽乳汁便通情欲中動乳脈便應病氣到乳汁必凝滯兒得此乳疾病立至不吐則瀉不瘡則熱或為口糜或為驚搐或為夜啼或為腹痛病之初來其溺必少便須詢問隨證治母母安亦安可消患於未形也夫飲食之擇猶是小可乳母稟受之厚薄性情之緩急骨相之堅脆德行之善惡兒能速肖尤為關係古之胎教具在方冊愚奚多贅若夫胎孕致疾事起茫昧人多玩忽醫所不知兒之在胎與母同體得熱俱熱得寒俱寒病則俱病安則俱安母之飲食起居尤當慎密不可不知也

田大凡小兒過煖生熱熱極生風提抱生瘡餵飼生癖最宜慎之

錢大喜後食乳食多成驚癇大哭後食乳食多成吐瀉

丹乳下小兒常多濕熱食積痰熱乃是傷乳為病小兒易

怒肝病與脾病最多

雜論

錢脈亂

不治

弦急

和氣不

沉緩

傷食

促急

虛驚

浮風

沉細

冷

本候兒脈當以大指按三部一息六七至為平和八九至

為發熱五至為內寒脈弦為風癩沉緩為傷食促急為虛

驚弦急為氣不和沉細為冷浮為風大小不勻為惡候為

鬼祟浮大數為風為熱伏結為物聚單細為疳勞凡腹痛

多喘嘔而脈洪者為有虫沉而遲潮熱者胃寒也温之則

愈訣曰小兒脈緊風癩候沉緩食傷多嘔吐弦急因知氣

不和急促急驚神不守冷則沉細風則浮牢實大便應秘

久腹痛之候緊而弦脈亂不治安可救變蒸之時脈必亂

不治自然無過繆單細疳勞洪有虫大小不勻為惡候脈

沉而遲有潮熱此必胃寒來內寇瀉利脈大不可醫仔細

酌量宜審究雲岐子云未及五歲不可視聽者未可別脈

五歲已上方可以脈別浮沉遲數按錢氏論

又不拘五歲上下也

嬰兒未可方脈者俗醫多看虎口中紋顏色與四肢冷熱

取之亦有可驗予作二歌紀之曰紫風紅傷寒青驚白色

疳黑時因中惡黃即困脾端又冷熱症歌曰鼻冷定知是

瘡疹耳冷因知風熱證通身皆熱是傷寒上熱下冷傷食

病若能以色脈參伍驗之所得亦過半矣

世百日内不治症 發斑 臍風撮口 馬脾風 龜背

錢不治症目赤脈貫瞳人 胸腫及陷 鼻乾黑 魚口

氣急 吐虫不定 瀉不定精神不好 大渴不定止之

又渴 吹鼻不噴 病重口乾不睡 時氣唇上青黑點

頰深赤如塗臙脂 鼻孔開張 喘急不定

靈嬰兒病其頭毛皆逆上者必死論疾診尺篇

脈小兒病困汗出如珠着身不流者死 小兒病而胸陷

口唇枯乾目直視口中氣冷足與頭相低臥不舉身手足四肢垂其臥正直如縛掌中冷皆死至十日不可復治之

生下胎疾

雜方

無小兒初生氣絕不能啼者必是難產或胃寒所致急以綿絮包裹抱懷中未可斷臍帶且將胞衣置爐炭中燒之仍燃大紙條蘸油點火於臍帶下薰之蓋臍帶連兒火熏時有火氣由臍入腹更以熱醋湯盪洗臍帶須臾氣回啼哭如常方可洗浴了即斷臍帶

海百壽散小兒初生未滿月已裏用之者老無瘡疥

黃連兩

硃砂錢

右水煎令老母拭去口涎淨灌下餘藥傾盆中浴兒遍身搽妙 又方淨黃連一錢水一盞預先煎下待兒生

未出聲時便用灌下以去腹中惡物臍屎兼解胎中蘊

積熱毒終身不生瘡又去臍風等病

虛實

錢胎實面紅目黑暗多者善笑胎怯面黃目黑暗少白睛

多者多哭更別父母肥瘦肥不可生瘦瘦不可生肥也

胎肥者生下肌肉厚遍身血色紅滿月以後漸漸羸瘦目

白睛粉紅色五心煩熱大便難時時生涎浴體法主之

天麻二錢

蝎尾去毒

硃砂各五分

烏蛇肉油浸焙乾

為末

白礬各三錢

麝香一字

青黛三錢

右研勻每用三錢水三碗桃枝一握并葉五七枝同煎至十沸溫熱浴之勿浴背

胎怯者生下面無精光肌肉薄大便白水身無血色時時哽氣多噦目無精采亦宜以浴法主之

世母氣不足則羸瘦而肉薄父精不足則解顱眼白多

寒熱

胎熱生下有血氣時時叫哭身壯熱如淡茶色目赤大便赤黃糞稠急釀乳浴法主之

湯小兒在胎時因母有熱或恣食酒麪熱毒之物傳於胎中令兒生下面赤眼閉身體壯熱哭聲不止口熱如湯乃胎熱之候也宜生地黄湯

生地

赤芍藥

川芎

當歸

瓜蒌根

右件等分咬咀每服半兩水一盞煎六分產婦亦可服以此抹入兒口中

凡胎熱服藥不可求速效治法當釀乳漸解之若處以涼藥攻之必損脾胃加以嘔吐乃成大患宜服生地黄湯用釀乳小兒胎中有寒生下不能將護再傷於風其候面色青白四肢逆冷手足顫動口噤不開乃胎寒之故或寒

胎驚

氣乘虛入臟作腹疼盤腸內弔

胎寒治法見寒腹痛條

一月裏生驚急取猪乳細研辰砂牛黃各少許調抹口中神效乳母服防風通聖散三劑其驚自消

二治小兒未滿月驚搐似中風欲死者用辰砂以新汲水濃磨汁塗五心上最效

湯治胎癩驚風皆可服全蝎頭尾全者用生薄荷葉包外以麻線纏火上灸燥為末別研生硃麝香各少許煎麥門冬湯調下

胎黃

小兒生下遍體面目皆黃狀如金色身上壯熱大便不通小便如栢汁乳食不思啼叫不止此胎黃之候凡有此症乳母宜服生地黄湯仍忌酒麪五辛之物

生下吐

錢木瓜丸治小兒生下吐者因兒初生下拭口中穢惡不盡咽入喉中故吐木瓜丸主之凡初生急須拭口中令

淨若啼聲一發則咽下多生諸病矣

木瓜

麝香

膩粉

木香

檳榔各等分

右同研細末麪糊丸如小黃米大每服一二九甘草水下無時

田月裏生嘔先用硃砂丸下之如利後用硃沉煎墜其邪氣使穢物自下而不嘔也

月裏生赤肌膚如赤丹塗者先用牛黃散托裏續用藍葉散塗外乳母服清涼飲子三大劑

右小兒初生下月裏諸疾蓋胎毒之淺者若一二歲後所生之疾乃胎毒之深者宜權法治之

垣李叔和一日問東垣曰中年來得一子至一歲後身生紅絲瘤不救後三四子至一二歲皆病瘤而死敢問何也

胎瘤

生下赤

曰予試思之翌日見叔和曰吾得之矣汝腎中伏火精中多有紅絲以氣相傳生子故有此疾遇觸而動發於肌肉之間俗名胎瘤是也汝試視之果如其言遂與滋腎丸數服以瀉腎中火邪補天真之不足忌酒肉辛熱之物其妻以六味地黃丸養其陰血受胎五月後以白朮黃芩二味作散與服後生兒至三歲前症不復作矣叔和曰先生乃神醫也遂從受學其子今已年壯矣

胎瘕

丹溪補遺謂小兒心氣鬱而多瘡疽由胎食過而受毒此至論也小兒識見未萌欲想未動心氣何鬱先哲謂乳下小兒常多濕熱與胎食過而受毒又有成胎之時父母氣血有寒熱之偏多能致子之病况形體未堅完盲膜尚脆嫩何為畧而未論向見一人連年疝病新愈而成一男生來三月病熱右腋下陽明少陽之間生一瘰疬甫平左腋下

相對又生一癰膿血淋漓無復生意醫者王壽甫以四物湯敗毒散加參以香附為佐犀角為使大料飲乳母兩月而安踰三月忽腹脹生赤疹如霞片取剪刀草汁調晚蚕沙傳之隨消半月脹移入胞囊為腫黃瑩可畏越兩日囊裂開兩丸顯露出清水以紫蘇葉承麩炭細末托之旬餘而合夫以父之久病其母寧無憂鬱之火與痞之餘熱毒致此亦不可不知

胎瘡瘕

垣張進士次子二歲滿頭有瘡一日瘡忽自平遂患痰喘予視之曰此胎毒也慎勿與解利藥眾皆愕然予又曰乃母孕時所喜何物張曰辛辣熱物是其所喜因口授一方人參連翹川芎黃連甘草陳皮芍藥木通濃煎湯入竹瀝與之數日而安何以知之見其精神昏倦受病特深決無外感非胎毒而何 予之次女形瘦性急體本有熱懷孕

三月適當夏暑口渴思水時發小熱遂教以四物加黃芩陳皮生甘草木通因懶於煎煮數貼而止其後生子二歲瘡疾遍身忽一日其瘡頓愈遂成痰瘧予曰此胎毒也瘡若再作病必自安已而果然若於孕時確守前方何病之有

胎淋

鄭廉使之子年十六初生七箇月患淋病五七日必一發其發則大痛水道狀如黍如粟者約一杯許然後定診其脈輕則澁重則弦視其形瘦而長其色青而蒼意其父必因多服下部藥遺毒在胎留於子之命門而然遂以紫雪和黃柏末九桐子大晒極乾熱湯下百丸以食物壓之又半日痛大作腰連腹水道乃行下如黍如粟者一大碗許其病減十分之八後又與陳皮一兩桔梗木通各半兩作一貼與之又下如黍粟者一合許而安父得燥熱且能

病子况母得之者乎予書此以證東垣紅瘤之事此亦熱在血分也

胎瘤

陳氏女八歲時癩病遇陰雨則作遇驚亦作口出涎沫聲似羊鳴予視之曰此胎受驚也其病深痼調治半年亦可安仍須淡味以佐藥功與燒丹九繼以四物湯入黃連隨時令加減半年而安燒丹九方原本未考按類萃用玄精石輕粉各一錢粉霜硼砂各五分研勻入寒食麪一錢滴水和成餅再用麪裹煨黃取出去麪再研細滴水和丸如米大一歲五九二歲十九九溫水送下取下惡物為度未知是否

肝主風

角弓反張

搖頭

偏風

驚搐

驚癩

天弔

眼目

眼白多

雀目疳瘡

赤眼

通睛

偏墜

陰腫囊腫脫囊

疝氣

小便不通

淋病

遺尿

喉痺

風熱

鐵肝有風目連劄不搐有熱則直視亦不搐得心熱則搐治肝瀉青丸治心導赤散 凡病或新或久皆引肝風風動而上於頭目目屬肝風入於目上下左右如風吹不定兒不任故目連劄也若熱入於目牽其筋脈兩眦皆緊不能轉視故目直視也若得心熱則搐其子母俱有實熱風火相搏故也治肝瀉青丸治心導赤散

角弓反張

風虛

錢肝有風甚則身反張強直不搐心不受熱當補腎治肝補腎地黃丸治肝瀉青丸

丹溪云瘥比癩為虛宜帶補多是氣虛有火兼痰用人參竹瀝治之不用兼風藥此論實發前人所未發湯氏雖云瘥候十無一生蓋未嘗有此法施於人也

針灸

明角弓反張鼻上入髮際三分灸三壯 大椎下節間灸

診

三壯
湯身軟時醒者為癩身強直反張如弓不時醒者為瘞瘞候十無一生

風

搖頭

湯肝風搖頭諸方不載鄭都丞子患七年搖頭三年下血已服百餘方前後所服治搖頭者無非風藥止血者或作痢或作腸風百藥無效予既視其病又知其詳亦不明其標本退而思之乃肝血液盛外有風熱乘之肝屬木盛而脾土為木所克脾與肺是子母俱為肝所勝而血遂漬於大便故便血不止遂處一方但損肝祛風而益脾初亦一時之見只數服而愈十餘日後血止而下白膿遂得以安

犀角屑 甘草各一分 瓜蒌根半兩 蛇退皮一錢赤 防風五兩 釣藤鈎子一錢 麻黃去節一錢 黃芪蜜炙半兩

羌活

白芍藥各半兩

右為末束肉丸食後薄苛湯下只二服作效頭搖即止便血隨愈次間服胃風湯數日頓除沈舍人子服之亦

驗

海食療云蛇脫皮主去風邪明目治小兒一百二十種驚癩寒熱痔蠱毒安胎瘵用 治癩弄舌搖頭者宜用全脫

偏風

風

錢全蝎散治小兒驚風中風口眼喎斜言語不正手足偏廢不舉

全蝎去毒炒

礪蚕直者炒

川芎

黃芩去心

甘草

桂枝

赤芍藥

麻黃去節各

大麻六錢

大南星

湯泡七次去皮臍切焙乾五錢

右為麤末每服三錢水一鍾半薑七片煎七分溫服無

時量大小與之一日三四服忌羊肉

驚搐

按驚搐一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癇頭目仰視者為天弔角弓反張者為痊而治各不同也

藏府旺時補瀉法

錢潮熱變發搐在早晨寅卯時者此肝用事之時也身體壯熱目上視手足動搖口内生熱涎項頸強急此肝旺也

當補腎治肝補腎地黃丸治肝瀉青丸潔古云木之位肝旺也

因潮熱發搐在巳午未時者此心用事之時也心惕目上視白睛赤色牙關緊急口內涎生手足動搖此心旺也當

補肝治心治心導赤散涼驚丸補肝地黃丸潔古云火之位心熱也

廣親宅七太尉方七歲潮熱數日欲愈錢謂父二大王曰七使潮熱將安八使預防驚搐王怒曰但使七使愈勿

言八使病錢曰八使過來日午間即無苦也次日午前果

作搐急召錢治之三日而愈蓋預見其目直視而頤赤必

肝心俱熱更坐石杌子乃欲就冷此熱甚也又肌膚素肥

盛而本實其脈急促故發搐尅言午時者自寅至午皆心

肝用事之時治之乃瀉心肝補腎自安矣

因潮熱發搐在申酉戌時者此肺用事之時也不甚搐而

喘日微斜視身熱如火睡露睛手足冷大便淡黃水是肝

旺當補脾益黃散治肝瀉青丸治心導赤散潔古云脾病肝瀉法當補

脾恐木賊害宜先瀉心肝以杜其強而後補脾為當

徐氏子三歲病潮熱每日酉則發搐身微熱而目微斜露

睛四肢冷而喘大便微黃請錢與李同治錢問李曰病何

搐也李曰有風何身熱微溫曰四肢所作何目斜睛露曰

搐則目斜何肢冷曰冷厥心內熱曰何喘曰搐之甚也曰

何以治之曰涼驚丸鼻中灌之必搐止錢又問曰既謂風病温壯搐引目斜露睛內熱支冷及搐甚而喘併以何藥治之李曰皆此藥也錢曰不然搐者心肝實也身微熱者日西肺用事之時也肺主身温今且熱者肺虛也目微斜露睛者肝肺相乘勝也四肢冷者脾虛也肺若虛甚則脾母亦弱木氣乘脾四肢即冷治之當先補脾肺用益黃散阿膠散得脾虛症退然後治其心肝以瀉青丸導赤散涼驚丸治之九日愈

因潮熱發搐在亥子丑時者此腎用事之時也不甚搐而臥不穩身體温壯目睛斜視喉中有痰大便銀褐色乳食不消多睡不省當補脾治心補脾益黃散治心導赤散

涼驚丸

潔古云皆因大病後脾胃虛損多有此疾

衣裏

傷風發搐因傷風後得之口中氣出熱呵欠頓悶手足動

搖當發散大青膏主之小兒生來怯弱者多此病也

大青膏方

見傷寒

潔傷風發搐因傷風而得之症同大人傷風寒痰之類當

辨有汗無汗陰陽二症用大青膏小續命之類開發則愈

大青膏陰症小續命陽症也

錢傷寒發搐因傷食後得之身體温多睡多唾或吐不思

乳食而發搐當先定搐搐退白餅子下之後服安神丸

潔傷食發搐謂不因他症忽然而搐此因飲食過度致傷

脾胃故兒多睡多吐不思飲食脾胃既虛引動肝風則發

搐當先定其搐加羌活防風煎下瀉青丸後用白餅子下

其食漸漸用調中丸異功散養其氣

日搐

錢百日内發搐真者不過兩三次必死假者頻發不為重

真者内生驚瀰假者外傷風冷蓋血氣未實不能勝任乃

發搐也欲知假者口中氣出熱治之可發散大青膏主之
及用塗顛浴體法 李司戶孫百日病來搐三五次請衆
醫治或作天平或作胎驚或作驚惛皆無應者後錢氏用
大青膏如荳許一服發之復與塗顛法及浴體法三日而
愈何以然嬰兒初生肌骨嫩怯一被風傷遂不能任故發
搐也然頻發者輕以客風在內每遇不任即搐輕則易歇
故發頻也搐稀者是內臟發病不可救也頻搐者宜散風
冷故用大青膏亦不可多服蓋兒至小易虛易實多即生
熱止宜用下塗顛法

麝香字一

蝎尾

去毒為薄苛半

蜈蚣灸

牛黃

青黛

各一

右同研末用熟棗肉劑為膏新綿帛上塗勻貼顛上四
旁可出一指許火上炙手頰慰百日裏外兒可用此塗

顛法

外物驚
宜苦寒

錢外物驚宜鎮平之以黃連安神丸若氣動所驚宜寒水

石丸黃連安神丸

黃連安神丸見燥條
寒水石丸見治法

內動驚
宜甘寒

按外物驚者元氣本不病故治以黃連安神之苦寒氣
動驚者不因外物驚元氣自有病故治以寒水石安神
之甘寒也

錢鎮心丸涼心經治驚熱痰盛

甜硝

白者一兩

人參

一兩

甘草

灸

寒水石

燒各兩半

山藥

白者二兩

白茯苓

二兩

硃砂

一兩

龍腦

麝香

各一錢三
味另研

急驚屬
陽慢驚
屬陰

凡急慢驚陰陽異證切宜辨而治之急驚合涼瀉慢驚合

溫補

右急驚症屬木火上實也木實則搐而力大自上目劄

所謂木太過曰發生其動掉眩癩癩是也火實則身熱
面赤土實則不吐瀉睡合睛故其治法合涼瀉而用涼
驚丸利驚丸之類慢驚症屬木火土虛也木虛則搐而
力小似搐而不甚搐經所謂木不及曰委和其病搖動
注恐是也謂手足搐動腹注泄心恐悸也火虛則身冷
口氣冷土虛則吐瀉睡露睛故其治法合溫補而用羌
活膏益黃散有熱者用東垣黃芪益黃散其東垣非錢
氏羌活膏治慢驚者謂土虛泄瀉火木乘之謂手掌與
腹俱熱之症若火木土俱虛而搖動恐悸注瀉手腹冷
者非羌活膏不能治之

急驚屬
痰熱慢
驚屬脾
虛

丹急驚主痰熱當涼瀉之只用降火下痰養血之藥 慢
驚主脾虛所以多死先實脾土後散風邪只用硃砂安神
丸更於血藥中求之 如四物四君子東垣
黃芪益黃散等用

急驚方
大身熱
不吐瀉

急驚因聞大聲或大驚而發搐過則如故此無陰也當
下利驚丸主之 小兒急驚者本因熱生於心身熱面赤
引飲口中氣熱大小便黃赤劇則發搐蓋熱甚則風生風
屬肝此陽盛陰虛也故利驚丸主之以除其痰熱不可用
巴苳及溫藥大下之恐搐虛熱不消也小兒熱痰客於心
胃因聞大聲非常則動而驚搐矣若熱極雖不聞聲及驚
亦自發搐

潔急驚者陽症也俱腑受病熱痰客於心肺是少陽相火
旺經云熱則生風因聞大聲而作蓋謂東方震卦得火氣
而發搐火本不動煽得風而動當用利驚丸導赤散瀉青
丸地黃丸搐止宜服安神丸

閻急驚內有熱即生風又或因驚而發則目上連劄潮涎
搐搦身體與口中氣皆熱及其發定或睡起即了了如故

此急驚症也當其搐勢漸減時與鎮心治熱之藥一二服如麝香丸鎮心丸抱龍丸辰砂丸紫雪之類候驚勢已定須更以藥下其痰熱如利驚丸軟金丹桃枝丸之類利下痰熱心神安寧即愈

丹大黑龍丸治小兒急驚神效方見後急慢驚治條

小黑龍丸治小兒急驚輕者

青礞石兩一 青黛錢一 蘆薈半一錢 膽星兩一

右為極細末甘草湯為丸如鷄頭大每一丸薑蜜薄苛湯下

右二方礞石膽星瀉濕痰之劑為君痰多者宜之

錢涼驚丸

草龍膽 防風 青黛研各三兩 龍腦研一錢

黃連末分五 牛黃 麝香各一字

右為細末麩糊為丸如粟米大每服一二十九金銀湯下之

無治陽癇即急驚風

硃砂研一分 膩粉 麝香各五分 蘆薈

白附子 甘草各二錢 胡黃連錢一 蝎稍七箇

僵蚕蜜炙十條 金箔七片 赤脚蜈蚣條一

右為末二歲已上服半錢七金錢薄苛湯調下三歲一錢七如口不開灌入鼻中

錢利驚丸

輕粉 天竺黃 青黛各一錢 黑牽牛頭末半兩

右同研蜜丸豌豆大一歲一丸溫薄苛湯下食後服海藏云涼驚溫驚利驚自有分別南星胭脂輕粉青黛色味各有輕重

脈有方者利之

羅鎮肝丸治小兒急驚風目直上視抽搐昏亂不省人事是肝經風熱也

天竺黃研 生地 當歸 竹葉

草龍膽 川芎 大黃煨 羌活

防風已上各二錢半

右為細末煉蜜丸如雞頭大每服二九沙糖水化下先服此後服天麻散

右五方瀉肝木之劑為君前二方輕劑通用後三方峻劑必脈有力血氣實者宜之又闍氏所謂候搐勢定下

其痰熱之類是已

海五福丸治急驚風生蚯蚓一條研爛入五福化毒丹一丸再研如泥煎薄荷湯少許調化旋灌量兒大小加減服之無不效者

錢五福化毒丹治驚熱涼心驅

生地焙各五兩 天門冬去心焙各

三兩 甜硝 玄參 甘草各二兩炙

青黛一兩

右上六味為細末後研入硝黛煉蜜丸如雞頭大每服半丸或一九食後熟水化下

安神丸方見治法 鎮心丸方見前表裏修

右三方甘寒瀉火之劑為君小兒血氣虛而急驚者宜之又潔古闍氏所謂候搐止勢減宜安神鎮心之類是已

錢慢驚因大病後或吐瀉或只吐不瀉變成脾胃虛損遍

慢驚力小身冷曾吐瀉

身冷口鼻氣出亦冷手足時痲痺昏睡露睛此無陽也括萎湯主之

八醫學綱目卷三十一
六
潔慢驚者陰證俱臆受病蓋小兒吐瀉病久脾胃虛損若不早治則成慢驚名曰瘳瘳似搐而不甚搐也因脾胃虛損故大便不聚當去脾間風先用宣風散導之後用益黃散史君子九平之則其利自止既已失治則脾胃俱虛致被肝木所乘是為慢驚當用溫補羌活膏主之

錢東都王氏子吐瀉諸醫用藥下之至虛變慢驚其候昏睡露睛手足瘳瘳而身冷錢曰此慢驚也與瓜蒌湯其子胃氣實即開目而身溫王疑其子不大小便令諸醫以藥利之醫留八正散等數服不利而身復冷令錢氏利小便錢曰不當利小便利之必身冷一二日果身冷矣因抱出錢曰不能食而胃中虛若利大小便則脾胃俱虛當身冷而閉目即死今幸胎氣實而難衰也錢氏用益黃散史君子丸四服令微能飲食至日午果能飲食所以然者謂利大小便脾胃虛寒當補脾不可別攻也後又不語諸醫作矢音治之錢曰既失音何開目而能飲食又牙不緊而口不噤也諸醫不能曉以地黃補腎錢曰此因用涼藥利小便致脾腎俱虛今脾已實腎尚虛故補腎必安治之半月而能言一月而痊

瓜蒌湯

瓜蒌

白甘遂末

錢

右同於慢火上炒焦黃研勻每服一字麝香薄苛湯調服

右瓜蒌湯錢氏治慢驚法脈有力者宜用蓋濕痰積於膈中使風火不得開發而身冷故用瓜蒌湯劫去濕痰使風火得伸而身溫搐止若脈無力者不宜用之便當補脾及溫白丸羌活膏之類

脈無力者溫之

圖青州白九子治小兒驚風大人諸風

半夏生七兩

南星生三兩

白附子生二兩

川烏生半兩去皮臍

右為末以生絹袋盛并花水擺出如未出者更以手揉出如有滓更研再入絹袋擺盡為度於磁盆中日晒夜露至曉撇去舊水別用井花水攪又晒至來日早再換新水攪如此法春五日夏三日秋七日冬十日去水晒乾後如玉片研細以糯米粉煎粥清丸菜豈大每服三五丸薄苛湯下癱風酒下並無時

錢氏異功散溫中和氣治吐瀉不思食方見吐瀉門

海驚啼手足瘳癡睡臥不穩四君子加全蝎去尾尖毒炒

釣藤白附子炒等分同煎方見治虛實去脾胃虛弱生風多困

四君子加炒半夏麩沒石子等分為細末入冬瓜子少許

同煎服

國溫白丸治小兒脾氣虛困泄瀉瘦弱冷疝洞利及因吐瀉或久病成慢驚瘳癡

天麻生半兩

白僵蚕炒

白附子生

天南星剉湯洗焙

乾各兩

乾蝎去毒錢

右為末湯浸寒食麩為丸如菜豈大仍於寒食麩中養七日取出用每服五七丸至二三十丸空心生薑米飲下量病勢漸加丸數服之寒食麩謂寒食日煮喫麩取之以焙乾貯用也

釣藤飲子治吐利脾胃氣弱虛風慢驚

釣藤三分

蟬殼

防風去蘆

人參去蘆

麻黃去節

白僵蚕炒

天麻

蝎尾炒去毒各半兩

甘草炙

川芎各一分

麝香另研錢

一方有蜣螂

三箇去頭足炙黃

右為末每服二錢水一盞薑三片煎六分溫服量多少

與之寒多者加附子半錢服無時

羌活膏治脾胃虛或吐瀉後為慢驚者亦治傷寒無不效

防風去蘆

川芎

人參去蘆

白附子炮

赤茯苓去皮各半兩

天麻兩

白僵蚕湯浸

乾蝎炒去毒

白花蛇酒浸焙各一分

川附炮去臍

麻黃去節各二錢

肉苳蔻

沉香

母丁香

藿香葉

木香各二錢

輕粉

真珠末

牛黃各一錢半

龍腦半字

麝香

辰砂

雄黃各一錢已上七味各另研入

羌活兩

右為細末煉蜜作劑旋丸如荳大每服一二丸食前服

或薄苛湯或麥門冬湯化下實熱急驚勿服性溫故也

海返魂丹治小兒諸癩瀾潮發癩瘖口眼相引項背強直

牙關緊急目直上視及諸病久虛變生虛風多睡者因荏

苒不解速宜服之荏苒柔弱也

烏犀剉屑二兩

水銀半兩

天麻酒洗焙乾

檳榔各半兩

僵蚕去絲嘴微炒

硫黃半兩兩研末入水銀置磁石盞內慢炒成沙火要看看緊慢

白附子炮

川烏炒通赤留烟少許入碗內以蓋子蓋上新土圍之待冷取出

獨活去蘆

乾蝎炙

草解炒各兩

肉桂去麤皮

當歸酒浸焙乾炒

細辛根

防風去蘆

天南星薑汁

黃炒

阿膠杵碎

藿香洗去土

烏蛇酒浸炙熟

骨去皮

沉香

槐膠

羌活

白花蛇酒浸一宿炙熟去皮骨

麻黃去根

半夏薑汁浸

羚羊角鎊

陳皮去白炒已

天竺黃研

木香

人參去蘆

乾薑炮

茯苓去皮

蔓荊子去白皮

晚蚕沙微炒

敗龜板醋酒炙

桑螵蛸炒

白芷

何首烏米泔浸一宿煮焙

虎骨酒醋塗 砂仁 白朮淋浸一宿切焙 枳殼炒去

丁香 厚朴去皮薑汁塗炙 蟬殼炒

川芎 附子水浸泡去皮尖 石斛去根 肉苳蔻去殼

龍腦另研 雄黃研水飛 硃砂研水飛已上各一兩

膩粉另研 麝香另研各一錢 烏雞一隻去嘴翅足 狐肝三具已

蜡月內入瓦瓶固濟火煨赤候冷取出研用 金箔三十片為衣

右藥五十八味炮製如法煉密合和搗三五千下丸如

桐子大金箔為衣每一歲兒温薄苛自然汁化下無時

右關氏宗錢氏治慢驚法脈無力者宜之其法以青州

白丸子兼異功散羌活膏温白丸釣藤飲子之類服之

至有往往死中得生者今如其法又增入海藏四君子

法次於異功散之後返魂丹次於羌活丸膏之後相參

用之也

湯氏法

湯凡吐瀉成虛風慢脾先用奪命散青州白丸子末煎如

稀糊入蜜調控下涎後服祛風醒脾等藥

奪命散方見後通治急慢驚下

治虛風八仙散風盛者服之

白天麻 白附子 花蛇肉 防風

南星 半夏 冬瓜子 全蝎各等分

加川烏

右咬咀每服一錢水半盞薑二片枣半枚煎二分熱服

加薄荷尤佳

醒脾散昏困者服之

白朮 人參 甘草 橘紅

茯苓 全蝎各半 半夏 木香各一

白附子炮四箇 南星炮兩枚 陳倉米二百粒一方無白木半夏加薄荷一

錢亦

右為末每服一錢水半盞薑二片枣半箇煎二分漸漸服之不可頓服頓服必吐

釀乳方

人參

木香

藿香

沉香

橘皮

神麴

麥芽

各等分

丁香

減半

右咬咀每服四錢水一椀薑十片紫蘇十葉枣三枚煎至半椀乳母食後須去乳汁盡方取服之即愈

令藥入乳之絡次令兒吮數口不可過飽此良法也如

嘔定一日急宜截風服八仙散兩日後宜醒脾散如前

件藥俱用不效危困可憂須診太衝脈未絕者當灸百

會一穴前後髮際兩耳尖折中乃是穴也方書所載但

云頂上旋毛中殊不審有雙頂者又有旋毛不正者庸

醫之輩習循舊本悞人多矣灸後即當控涎用青州白

丸子末再煎如稀糊入煉蜜調奪命散良久涎下細研

靈砂米飲調旋抹口中漸看退證如風盛服八仙散昏

困服醒脾散常令減乳乳母服釀乳藥如此調理無不

愈者間有稟受不堅五行數短者雖神聖功巧不能奪

其造化矣 若涎已離膈但在喉中如鋸藥不能入又

不可控當用別法擦之兼搐鼻噴嚏得出次服奪命散

庶免再作

擦痰方

川烏尖

白附尖

各七箇去皮生用

蝎蛸

七枚

石綠

許少

右為末一處和勻用軟雞翎蘸藥入喉中逐漸抽出頻用帕子拭之

右湯氏治慢驚法先用奪命散白丸子控涎候涎下一回用八仙醒脾等一回令乳母用釀乳法如危極者却灸百會及擦痰法但奪命用礞石氣虛者難用必與東垣益黃散相兼服之可也

陳氏法

陳氏治慢驚風先服芩蝎散用手法幹出寒痰冷涎自不痴呆次服油珠膏 後服益真湯温壯元氣 時服前朴散寬上實下

芩蝎散治小兒腦髓受風顛顛開解皮肉筋脈急脹腦骨縫青筋起面少血色或腹中氣響時便青白色沫或嘔吐痰涎欲成慢驚搐足脛冷者

川芎

細辛

草撥

半夏

焙二錢

錢二

兩一

酒浸一宿湯洗

右細末一週兒抄一銅錢用數沸湯調稍熱飢服 如

痰滿胸喉中眼珠斜視速與服若目上直視不轉睛者難救或痰氣壅塞不能嚥藥用一指於兒喉嚨中探入就幹去痰涎氣稍得通次用補脾益真湯或以油珠膏選用此方累世活人多矣

油珠膏治氣逆嘔吐風痰作搐

石亭脂

硫黃中揀取如臘者五錢

滑石

兩半

黑附子

半夏

酒浸一宿湯洗七次焙乾

南星

醋浸一宿湯洗七次焙乾各一錢

右細末每服一錢用冷清薑汁半盞滴麻油一點如錢抄藥在油珠上須臾墜下却去薑汁與兒服之更用清薑汁三五口嚥下肚飢服服訖後一時方與乳食

補脾益真湯治胎弱吐乳便清而成陰癩氣逆涎潮眼珠直視四肢抽掣或因變蒸客忤及受驚誤服涼藥所作

木香

當歸

人參

黃芪

丁香

訶子

陳皮

厚朴薑製

甘草炙

肉蔻麩裹

草菓

茯苓

白朮

桂枝

半夏湯泡

附子炮各半兩

全蝎炒每服加一枚

右咬咀每服三錢水一盞半薑一片棗一枚煎六分稍

熱飢服服訖令揉心腹以助藥力候一時方與乳食

渴者加茯苓人參甘草去附子丁香肉蔻 瀉者加丁

香訶子肉 嘔吐加丁香半夏陳皮 腹痛者加厚朴

良薑 咳嗽加前胡五味子去附子官桂草菓肉蔻

足冷加附子丁香厚朴 惡風自汗加黃芪官桂 痰

喘加前胡枳實赤茯苓去附子丁香肉蔻草菓 氣逆

不下加前胡枳殼檳榔去當歸附子肉蔻 腹脹加厚

朴丁香前胡枳殼

前朴散治心腹結氣或嘔噦吐瀉腹脹痛驚悸

前胡

白朮

人參

陳皮

良薑

藿香

甘草

厚朴各等分

右剉每服三錢水一盞煎七分稍熱空心服

小兒誤服涼藥或用帛蘸水繳口因此傷動脾胃或泄瀉

或腹脹或腹中響 小兒面少血色常無喜笑不看上而

視下 小兒顙顙高急頭縫青筋時便青糞 小兒肥壯

糞如清涕或如凍汁 小兒時時扎眼糞便青白沫有時

乾硬 已上五症忽然嘔吐者必成陰癩俗謂慢驚是也

小兒頭雖熱眼珠青白而足冷或腹脹而足冷或瀉而足

冷或嘔而足冷或渴而足冷頭熱目赤痰塞鼻喉咽皆無根之火逆也

五症忽然吐而作搐者名曰慢脾風速與補脾益真湯一

服三錢重加蝎一枚如因驚而搐者前朴散一服三錢重

加附子前胡各半錢同煎

右陳文忠治慢驚法其治之次第自成一家故另錄之以備採用其醫案所言芴蝎散油珠膏累累取效

雜法

世治慢驚神效用一粒丁香一箇蝎一字辰砂一點血已上俱為末男用男左手中指血女用女右手中指血蘸末擦唇上愈

本醒脾丸治小兒慢脾風因吐痢後虛困昏睡欲生風癇

厚朴

白朮

硫黃入豆腐中
煑三五沸

天麻

全蝎

防風

官桂

人參各一錢

右為細末酒浸蒸餅和丸如鷄頭大每一丸槌碎溫米飲下

蝎稍丸治小兒胎虛氣弱吐痢生風昏困嗜臥或潮搐

全蝎微炒

白附煨裂各半兩

半夏薑汁制
焙乾

右為末薑汁糊丸如麻子大每服三十九丸荆芥湯下量

兒大小加減服之

世小兒慢驚風身冷瘈瘲

天麻

防風

川烏

全蝎去翅足
薄切

炮

南星

等分水煎服

湯氏治慢驚

真川烏一枚去
皮生用

全蝎等分

右二件咬咀分二服水二盞薑十片煎半盞旋旋滴入口中

無陰癩即慢驚風

黑附子生去
皮臍南星生

半夏各二錢

白附子半錢

右研細井水浸七日每日換水浸訖控乾入硃砂二錢麝香一錢研勻每服一字薄苛湯調下量兒加減一方用黑附子生去皮臍為末每服二錢以水一盞半生薑二片煎至半盞分二服量兒加減吐者入丁香五箇同煎空心服或水浸炊餅為丸如粟米大每服二十九生薑湯下亦可

錢回生散治小兒吐瀉或誤服冷藥脾虛生風成慢驚大南星重八九錢已上者用地坑子一箇深三寸許用炭火五斤燒紅入好酒半盞在內然後入南星却用炭火三兩條蓋在地坑上候南星微裂取出剉碎再炒勻熟不可稍生放冷為末每服半錢濃煎生薑防風湯調下

又方梓朴散

厚朴

半夏湯洗七次薑汁浸半日晒乾一錢

右米泔三升同浸一百刻水盡為度如百刻水未盡少加火熬乾去厚朴只將半夏為末每服五分或一字薄苛湯調下無時

豈卷散治小兒慢驚多因藥性太溫及熱藥治之有驚未退而別生熱症者有因病愈而致熱症者有反為急驚者甚多當問病幾日因何得之曾以何藥療之可用解毒藥無不效宜此方

大豆黃卷

水浸黑豆生芽是也晒乾

管仲

板藍根

甘草

炙各兩

右為末每服半錢水煎服甚者三錢藥水內入油數點煎又治吐虫服不拘時

右諸家雜治慢驚其首一方用人血蘸藥末擦唇者甚效後一方解藥太過之毒尤見錢氏憂人之切也

垣驚兒瀉青色先鎮平以硃砂之類勿用寒涼之藥大禁
涼驚丸蓋風木旺必克脾土當先實其土後瀉其木其風
木旺症右關脈洪大掌中熱腹皮熱者是也今立一方黃
芪益黃散主之人參甘草黃芪各等分此三味皆溫能補
脾土益元氣甘能瀉火內經云熱淫於內以甘瀉之以酸
收之白芍藥酸寒能瀉火酸能瀉肝木而大補肺金所
補得金土之位大旺則火虛矣風木何由而來尅土然後
瀉風木之旺脾虛者以火邪乘其土位故也故曰從後來
者為虛邪火旺能實其木木旺故來尅土當於心經中以
甘溫補土之源更於脾土中瀉火以甘寒補金以酸涼故
致脾土中金旺火衰則風木自虛矣
黃芪益黃散治胃中風熱

黃芪二錢

人參一錢

甘草生五分

白芍藥七分

陳皮不去白一錢

黃連許少

白茯苓四分

右為麤末每服水二盞煎五沸去渣溫服

丹治小兒驚而有熱者

人參

茯苓

白芍藥酒炒

白朮

右入生薑煎服暑月加黃連生甘草竹葉煎服

陳明遠治小兒驚因脾虛肝乘之手足搐動四肢惡寒而
食少

白朮二錢

茯苓一錢

右煎湯入竹瀝熱下龍薈丸二十九保和丸二十九

湯奪命散大能控風涎不問急慢驚風痰潮壅盛塞於咽

喉其響如潮名曰潮涎百藥不能過咽命在須臾但先用

此藥入喉痰即墜下功有萬全奪天地之造化也

青礞石

一兩入甘窩子同煅硝一兩炭火煨通紅須硝盡為度候冷如金色取用

通治急慢驚
痰盛氣實者鎮
擊之

右為細末急驚風痰壅上身熱如火用生薄荷自然汁入蜜調微溫服之良久其藥自裹痰墜下從大便出如稠涕膠粘乃藥之功也次服退熱祛風截驚等藥慢驚風亦以痰涎潮上塞住咽喉藥食俱不能入醫者技窮勢迫以待其盡但用此藥以青州白丸再研為末煎如稀糊熟蜜調下其涎即墜入腹次服花蛇川烏全蝎蜈蚣等藥

丹 大黑龍丸治小兒急慢驚風神效

膽星 礞石硝煨各一兩 天竺黃 青黛各半

蘆薈二錢半 辰砂 蜈蚣燒灰一錢半 僵蚕五分

右為末甘草汁為丸如鷄頭大每服一九或二九薑蜜薄苛湯下如慢驚用桔梗白朮湯下

鎮驚丸

琥珀二錢半 青黛兩 辰砂二錢半 天竺黃一兩

天麻兩 真珠母二錢半 蘆薈 柴胡各半

青皮 甘草各二錢半 膽星二兩 雄黃一錢半

乳香兩 青礞石硝煨半兩

右為末甘草膏丸如鷄頭大慢驚參朮湯下急驚薄苛薑蜜湯下

小兒急慢驚風

全蝎四十九箇 辰砂半兩 研極

右取蚯蚓十條洗淨入小瓶內以溫火煨蚯蚓化為水和九如胡椒大每三丸用順流水化服下

小兒急慢驚風

僵蚕三條 辰砂豆大 全蝎箇 真珠末撮

右末取蓬蒿中小虫兒每一箇研作一九如麻子大每

一粒用乳汁下

本保命丹治小兒急慢驚風四肢逆冷眼直口噤涎不止

虎睛一對安瓦上以瓦蓋之慢火逼乾 硃砂半兩 全蝎半錢

天麻一分 蜈蚣二條去頭尾赤脚者 麝香半錢

右為細末煉蜜丸如大芫大瓦罐貯之又入腦麝窰定

急驚薄荷蜜湯化下慢驚薄荷湯化下各三九

錢温驚丸一名粉紅丸

南星為末入臍月牛膽中陰乾百日為末四兩 硃砂半錢 天竺黃一兩

坯子胭脂半錢 龍腦五分

右用牛膽汁和丸如雞頭大每服一九小者半九沙糖

水下

抱龍丸治傷風瘟疫身熱昏睡氣促風熱痰實壅嗽驚風

潮搐及蠱毒中暑沐浴後並可服壯實小兒宜時與服之

丹溪云抱龍丸心肺肝藥也

南星如無牛膽者只將生者剉炒熟用四兩 天竺黃一兩 雄黃水飛

辰砂另砂各半兩 麝香另研一錢

右為細末煮甘草膏和丸皂莢子大温水化下百日小

兒每丸分作三四服五歲兒一二九大人三五九亦治

室女白帶伏暑用鹽少許嚼一二九新汲水送下臘月

雪水煮甘草和藥尤佳一法用漿水或新水浸南星三

日候透煮軟三五沸取出乘軟切去皮只取白軟者薄

切焙乾炒黃色取末八兩以甘草二兩半拍破用水二

碗浸一宿慢火煮至半碗去渣漸漸傾入南星末內慢

研令甘草水盡方入餘藥

世奪命散治急慢驚風諸藥不效此藥隨手奏功

白附子三錢 黑附子炮去皮臍半兩急驚不用 南星炮一兩

天麻錢三 辰砂另研二錢半 防風 半夏各半兩

全蝎去毒七箇 蜈蚣灸條 麝香錢半 殭蚕炒慢驚不用

右為末三歲兒半錢薄苛生薑自然汁加好酒沸湯各少許調服急驚加輕粉腦子各少許

湯治慢驚甚驗

赤脚蜈蚣酒塗灸一條 白殭蚕炒七條 辰砂另研一字

全蝎用薄苛葉包灸七枚 青州白丸子三十粒

右為末入麝香少許慢驚人參麥門冬湯調下急驚加腦子牛黃各少許金銀薄苛湯調下

羅天麻散治小兒急慢驚風及大人中風涎盛半身不遂言語艱澁不省人事

半夏七錢 天麻二錢半 甘草灸 茯苓
白朮各三錢

右用水一盞入磁罐內煮令水乾將老薑二錢同煮候乾為細末每服一錢五分薑棗湯調下

經治驚風墜涎天南星一箇重一兩者換酒浸七伏時取出新瓦上炭火炙乾烈地上去火毒搗末入硃砂一分研為細末每服五分荆芥湯空心及午時各調下一服

田天麻防風丸治小兒驚風身熱喘籠多睡驚悸搐掣神昏涎痰不利等症

天麻 防風 人參各一兩 蝎尾去毒半兩
甘草 硃砂 雄黃 牛黃

麝香各一錢 殭蚕炒半兩
右為末煉蜜丸如櫻桃大硃砂為衣每服薄苛湯下一二丸

雲七味羌活膏治急慢驚風壯熱

羌活

獨活

天麻

全蝎去毒

人參

僵蚕炒各半兩

烏蛇肉

酒浸一宿焙乾一兩

右為末煉蜜丸如皂子大每兩作五十九丸每服一九荆芥湯下

經治小兒驚風全蝎一錢不去頭尾用薄苛葉裹炙乾同研為末作四服湯下

治小兒驚風殭蚕蝎稍等分天雄尖附子尖共一錢炮過為末每服一字薑湯調下

羅小兒驚風釀乳方用白羊頭一箇丁香同熬至熟乳母空心盡食之

丹孫女因胎中受濕熱日午發搐昏黑面青每日作一次未半週難與藥且釀乳飲之

白朮

陳皮

半夏

芍藥

青皮各五分

人參

川芎

木通各三錢

黃連二錢

甘草炙一錢

右分八服薑五片與乳母煎服

痰積癩者攻積

小兒急慢驚風發熱口瘡手足伏熱痰熱痰喘痰嗽並用涌法重劑用瓜蒂散輕劑苦參赤小豈末酒酸薑汁調服之後用通神散蜜丸服之間以桑牛陰乾研末調服以平其氣

本漏銀丸治小兒急慢驚風積癩

青黛三錢

水銀一皂角子大同

寒食麪

黃明膠炒焦為末各二錢

輕粉炒豆許

雄黃

粉霜

硃砂各一

巴豆

去油一粒腦麝許

右研細滴水為丸如麻子大捏漏曝乾瓷盒盛之一歲一丸隨意加減煎枣子湯送下不得化破

博治急慢驚風乳香并遂各半兩同研細每服半錢用乳香湯調下或用童便調下尤妙

右二十方通治急慢驚風蓋謂虛實兩見急慢互出故有通治之法合而言之急慢雖異皆本之於痰故礞石星半之屬通能治之者也分而言之礞石之屬瀉痰青黛之屬瀉木硃砂之屬瀉火皆治氣實之劑參草之屬補土天麻全蝎之屬補木烏附之屬補火又皆治氣虛之劑故補瀉兼施虛實通治之法也

雜方

山小兒驚風狗屎糞燒存性碗覆出火毒生蜜調灌少許
海心神不安四君子加辰砂半分棗湯調下 又有一症欲發瘡疹先身熱驚跳或發搐搦此非驚風當用發散藥
閻驚風或泄瀉等症煩渴者皆津液內耗也不問陰陽宜煎錢氏白朮散使滿意取足飲之彌多彌好

針灸

明皇急慢驚 印堂 急驚瀉

急驚 支正 下廉 小兒慢驚風灸尺澤二穴 各七壯

文內正中炷 睡中驚 屬允 壯 睡中驚目不合灸

屈肘橫紋上三壯

咬呀甚者發驚 目直面青身反拆者生驚

呵欠面青者驚風 呵欠面黃者脾虛驚

目赤兼青者發搐

錢驚癇發搐男發搐目左視無聲右視有聲女發搐目右視無聲左視有聲相勝故也更有發時症 潔古曰男為木聲右視金位相擊則有聲女為金故右視金位無聲左視木位亦相擊有聲

李寺丞子三歲發搐自卯至巳目右視大叫哭錢見曰此逆也男為陽本發左視無聲則順右視有聲則逆所以然者左肝木也右肺金也逆則二臟相戰金木相擊而有聲

也治宜瀉強補弱假令女發搐目左視是肺來乘肝肝不能任故叫哭也當瀉其肺後治其心續治其肝若病在秋日西肺兼旺位當大瀉其肺若病在春早晨此肝旺之時尚不能勝肺是肺強而肝火弱也當補其肝腎大瀉其肺若男發搐目右視是肝來勝肺而叫哭當瀉其肝心若病在春夏早晨肝心旺時當大瀉其肝若病在秋冬日晡此肺旺之時尚不能勝肝是肝強而肺極虛也當補其肺大瀉其肝所以言目反視者乃肝主目也凡搐則是風熱相搏於內風屬肝故外見於目也今此病男反女症故稍易治於女也先瀉其肺以瀉肺湯主之二日不悶亂知病退也後用地黃丸補腎三服後用瀉青丸各二服以瀉心肝五日而愈 又肺虛不瀉者何也曰假令男目右視木克金肝旺勝肺而但瀉肝若更病在春夏金氣極虛故當

補其肺慎勿瀉也

湯凡搐男左女右為順易治男右女左為逆難治

心脈急甚為瘈瘲全文見診治法○脾脈急甚為瘈瘲

不治症 **陳**驚風不治證 搐而不休休而再搐 驚叫發搐 汗

出足冷 痰滿胸喉 口開目直

禁忌

圖治小兒急驚方搐不用驚擾此不足畏慢驚雖靜乃危病也急驚方搐時但扶持之不可擒捉蓋風氣方盛恐流入筋脈或至手足成拘攣也

驚癇

驚癇即急慢之症但驚癇發時仆地作聲醒時吐沫急慢驚則不作聲不吐沫也

陰陽

陽癇初作時病先身熱瘈瘲驚啼叫噉而後發脈浮者為陽癇乃急驚也內在六腑外在皮膚為易治若病先身冷

不驚瘈不啼呼而作脈沉者為陰癇乃慢驚也此病內在
五臟外在骨髓劇者難治

五臟所主

錢凡治五癇皆隨臟治之每臟各屬一獸宜以五色丸主
之 犬癇反折上竄犬叫肝也 羊癇目瞪吐舌羊叫心
也 牛癇目直視腹滿牛叫脾也 鷄癇驚跳反折手縱
鷄叫肺也 猪癇如尸吐沫猪叫腎也
五色丸

硃砂研半兩

水銀一分

雄黃一分

鉛三兩同
水銀一分

真珠末研一兩

右煉蜜丸如麻子大每服三四丸金銀薄荷湯下

身熱驚啼脈浮為陽

潔如有客痰發熱而有聲煎大黃荆芥湯下五色丸 潮
熱有時積熱也桃枝丸主之壯熱不退當用地骨皮散下
五色丸 風熱當用防風黃芩湯下大青膏 身溫不熱

當用白虎湯加蒼朮下五色丸

本雌黃丸治小兒癩癩欲發眼暗瘈瘲聲惡嚼舌

雌黃

黃丹各一兩

麝香研一錢

右為末拌令極勻用牛乳汁半升熬成膏入前藥末杵
三五百下丸如菉苳大每服三丸溫熱水下一日三服
此方得自名醫之家極有神效

湯蛇黃丸治驚癇

真蛇黃醋煨焙三箇

鬱金三分一錢麝香另研一錢

右為末粳米飯丸如桐子大每服三二丸煎金銀磨升
水化服

海古鏡味辛無毒主驚癇邪氣小兒諸惡疾煮取汁和諸
藥煮服之彌古者尤佳

治癇方治太陽陽明二經為病

荆芥穗四兩 白礬為細末二兩
 右棗肉為丸如桐子大每服二十九丸荆芥湯下次三十丸四十九丸又次五十九丸俱食前

身冷不驚啼脈沉為陰

羅沉香天麻湯○魏敬甫之子四歲從長老摩頂授記衆僧念呪因而大恐遂發驚搐痰涎壅塞目多白睛項背強急喉中有聲一時許方醒後每見皂衣人輒發多服硃犀龍麝鎮墜之藥四十餘日前症猶在又添行步動作神思如痴予診其脈沉弦而急黃帝針經云心脈滿大癰瘕筋攣又云肝脈小急癰瘕筋攣蓋小兒血氣未定神氣尚弱因而驚恐神無所依又動於肝肝主筋故癰瘕筋攣病久氣弱小兒易為虛實多服鎮墜寒涼之劑復損其氣故添動作如痴內經云暴攣癰眩足不任身取天柱穴是也天柱穴乃足太陽之脈所發陽蹻附而行也又云癰瘕癱

不知所苦兩蹻主之男陽女陰潔古云晝發治陽蹻申脈夜發治陰蹻照海先各灸兩蹻各二十七壯次處

沉香二錢

天麻三錢

羌活五錢

防風三錢

益智二錢

川烏炮去皮臍二錢 甘草炙

當歸各一錢半

半夏湯泡三錢

獨活四錢

附子炮去皮臍三錢 薑屑一錢半

右咬咀每服五錢生薑三片水煎溫服舉痛論云恐則氣下精怯而上焦閉又云從下上者引而去之以羌活獨活苦溫味之薄者陰中之陽引氣上行又入太陽之經為引用故以為君天麻防風辛溫以散之當歸甘草辛甘溫以補氣血之不足又養胃氣故以為臣黑附子川烏頭益智仁大辛溫行陽退陰又治寒客傷胃腎主五液入脾為涎以生薑半夏燥濕化痰十劑云重可去怯沉香辛溫體重氣清去怯安神故以為使氣味相合

升陽補胃恐怯之氣自得平矣

湯牛黃丸治因驚中風五癩天吊客忤潮涎灌壅

白花蛇酒浸取肉白附子 全蝎 真川烏一枚半兩

生者天麻 薄荷葉各半兩

已上六味先為細末次入

雄黃五兩 辰砂三錢 腦子另研半兩 牛黃三錢

麝香一錢

右為一處和勻麻黃去根二兩酒一升煎麻黃至一盞去麻黃用酒熬藥得所勿至焦赤衆手疾丸如芡實大密器盛之一丸作五服煎金銀薄苛湯磨化大能發散驚邪

治五癩得效方

露蜂房焙一兩 石綠一兩 桂心 遠志去心

人參各半兩 硃砂一錢

右為末粥丸如桐子大每服二三十丸白湯下

濕痰

世治小兒驚癩

膽星二兩 全蝎去翅足炒半兩 白附子一兩 薄荷半兩

疆蚕炒一兩 川芎一兩

右為末粥丸青黛為衣每服一二丸薑湯下

治小兒癩用甘遂末一錢猪心一箇取三管頭血三條和甘遂末將猪心批作兩片入藥在內以線縛定外濕帛包裹入文武火煨熟不可過度取藥細研入辰砂末一錢和勻分作四丸每服一丸猪心湯化下再服另取猪心煎湯此方神效

虛 **湯**斷癩丹治癩瘡後復作連綿不除服之有驗

黃芪蜜水塗灸 鈞藤 細辛 甘草灸

蛇蛻皮各半 蟬蛻去土 牛黃另研

治遠年驚癇心血不足神驗方蝎虎一枚褐色者用剪子取下四足爪連血細研入生珠末麝香腦子各少許同研細薄苛湯調下作一服須先用奪命散控下涎次服之能奪造化雖數年癲癇亦能治之此藥所以神效者蓋癲皆心血不足此物名守宮其血與心血類也取下如室女之紅鉛服之於心故能補也此乃怪虫去其足而復能行又再生而活也蝎虎即蝦蟇奪命散方見

驚搐門

肘小兒多患胎寒好啼晝夜不止因此成癲當歸末小荳大乳汁灌之日夜三四服

雜方

本治小兒卒得癲用釣藤甘草炙各二分水五合煮取二合服如小患大日夜三大服

廣濟及崔氏方治小兒驚癲諸湯飲皆用釣藤皮又野猪

黃味甘平療癲癇水研如枣核日三服效衍義云野猪

黃膽世不常有間得之能治小兒痰癇

子和李氏一小兒病手足搐搦戴人曰心火勝也勿持捉

其手當從搐搦此由乳母保抱太極所致乃令掃淨地以

水洒之乾令復洒令極濕俛臥兒于地上良久渾身轉側

泥漿皆滿仍以井水洗之少頃而瘥

杜治小兒胃寒虫上諸危惡與癲相似者乾漆搗炒烟盡

入白蕪荑等分為細末米飲調下一字至一錢瘥

針灸

甲小兒癲癇瘈瘲脊強互相引項灸長強穴三十壯在脊

骶端跌地取之乃得

小兒驚癲瘈瘲脊急強目轉運上

插筋縮主之
田小兒癲癇驚風目眩灸神庭穴七壯在鼻直上入髮際五分小兒風癲灸鼻柱上髮際宛宛中三壯炷如小麥

大

小兒驚癇先驚怖啼叫後乃發也灸頂上旋毛中三壯及耳後青絲脈炷如小麥大旋毛中即百會穴也青絲脈手足少陽瘕脈穴也

明驚癇灸巨闕三壯

甲小兒驚癇本神及前頂顙會天柱主之 小兒驚癇反

視臨泣主之 小兒癇瘕嘔吐泄注驚恐失精瞻視不明

眇臆瘕脈主之 羊癇會宗下空主之錢氏云羊癇目眩吐舌羊時

癇發目上插攢竹主之 馬癇金門及僕參主之 風從

頭至足癇瘕口閉不能開每大便腹暴滿按之不下噎悲

喘崑崙主之 小兒癇瘕遺精溺虛則病癇顏實則閉瘕

小腹中熱善寐大敦穴主之 癇驚如有見者列缺穴主

之并取陽明絡

診

錢五癇重者死病後甚者亦死

天弔

風熱

天弔亦驚風之證但天弔發時頭目仰視驚風則無也

湯小兒瘕瘕不定翻眼擡睛狀若神祟頭目仰視名為天

弔凡有此疾宜服蘇合香丸灸兩手大拇指兩甲肉相半

男先灸左女先灸右及兩足大拇指中間各三五壯又灸

前後手心各五壯此皆得效之法

九龍控涎散治天弔

赤脚蜈蚣酒塗灸一條

滴乳

天竺黃二味另研

各一錢

臈茶

雄黃另研

甘草灸各二錢

荆芥穗炒

白礬枯各一錢

菘豆半生半炒一百粒

右為末每服半錢人參薄苜湯調下

釣藤飲治天弔潮熱

釣藤

人參

犀角屑各半兩

全蝎

天麻各分 甘草半

右為末每服一錢水煎服

丹癩迷嚙舌仰視牛黃大豆許和蜜水調廣利方

眼目

針灸

明目澁羞明狀如青盲 中渚壯凡小兒艾皆如小麥大 兒三五

歲忽生白翳遮睛掩瞳人疼痛不可忍 九椎上灸一壯

妳癰目不明者 肩中腧灸一壯

診

錢目赤兼青者發搐 目直而射身反折強直者生驚

眼白多

虛

世治眼白多多屬虛

鹿茸兩半

澤瀉

茯苓各一兩

山茱萸兩

地黃

牡丹皮

牛膝各一兩

右為末蜜丸如桐子大鹽湯食後下二十九

雀目癰眼

濕痰

羅煮肝丸治小兒癰眼翳膜羞明不見物服十日必退如

大人雀目者一服效

夜明沙

青蛤粉

穀精草各一兩

右件為細末每服一錢五七歲已上二錢純猪肝一大

片批開糝藥在內攤勻麻線纏定以米泔半碗煮肝熟

取出肝湯傾碗內熏眼分肝作三服嚼訖却用肝湯下

一日三服不拘時候大人雀目空心服至夜便見物如

患多時日二服

熱

龍膽飲子治癰眼流膿生疳翳濕熱為病神效不治寒濕

為病者

青蛤粉兩半

羌活

草龍膽各三錢 黃芩炒二錢

蛇蛻皮兩半

麻黃二錢半

穀精草兩半 升麻二錢

鬱金

甘草各半錢

右為細末每服二錢食後茶清調下

針灸

灸雀目疳眼法○小兒雀目夜不見物灸手大指甲後一寸內廉橫紋頭白肉際各一壯炷如小麥大 小兒疳眼灸合谷二穴各一壯炷如小麥大在手大指次指兩骨間陷中

赤眼

熱

湯導赤散治心熱小便赤眼目赤腫

赤芍藥

羌活

防風各半兩

大黃

甘草各一錢

右為末燈心黑豈煎食後服

余平生無赤眼之患用之如神小兒小兒可通用凡眼赤澁之初只用自已小便張目溺出用一指接抹眼中便畢

閉目少頃即效此以真氣逼去邪熱也

本治小兒赤熱腫眼

大黃

白礬

右二味等分為末同冷水調作罨子貼眼立效

針灸

明眼忽大小皆赤合谷灸三壯 熱毒風盛眼疼灸中指

本節頭三壯

通睛

肝病

湯牛黃丸小兒通睛皆因失慎築打觸着頭面額角兼倒撲令兒肝受驚風遂使兩目閉睛名曰通睛宜服此

牛黃

白附子炮

肉桂

全蝎

芫蕘

石膏煨各一錢

白芷二錢

藿香兩

硃砂二錢

麝香一分

右為末煉蜜為丸如芡實大三歲已下每服一九薄苛

湯下乳食後忌油麪猪肉

偏墜

雜方

固小兒狐疝氣偏有大小時時上下者蜘蛛十四枚熬焦

桂枝半兩二物為散每服八分日再酒調下蜜丸亦通

針灸

偏墜亦宜防葵丸令兒坐於土中午時灸印下偏墜之處

七壯防葵丸未詳

小兒偏墜若非胎中所有在後生者於莖下腎囊前中間弦子上灸七壯立愈

明胎產疝卵偏墜 囊縫後十字紋上灸三壯春灸夏瘥夏灸冬瘥

陰腫囊腫脫囊

滯氣

湯小兒陰腫由啼叫怒氣閉縱於下成此疾宜海蛤散

海蛤三錢

茴香炒三分

薏苡仁

白朮

檳榔各半兩

右末食前溫酒調下大小加減

汚血 陰腫又方

桃仁去皮尖及雙仁者炒三分

牡丹皮

桂枝

白蒺藜炒去刺各半兩

郁李仁湯浸去皮一分

右水煎服

熱

丹脫囊即外腎腫大

木通

甘草

當歸

黃連

黃芩

右水煎服

雜方

錢蚯蚓散治腎子腫硬成疝用乾蚯蚓為末唾調傳常避

風冷濕地先用花椒蔥湯避風處洗却用此傳之累驗

世治小兒囊腫如升用甘草煎汁調地龍末塗之立退累

效

針灸

丹用紫蘇葉為末水調傳上又用青荷葉包之治脫囊效
明陰腫 崑崙灸三壯

疝痛

滯氣

湯治小腸疝氣家傳妙方

芫花

醋浸炒

木香

檳榔

三稜各半兩

茯苓

青皮

全蝎

桂枝

附子

礪砂各一分

右為末將礪砂浸澄去土頓在湯瓶上候成膏子和糖醋打麪糊為丸如荳大每三十九空心溫酒下未效再服

服

小便不通

錢捻頭散治小便不通

玄胡

川苦練各等分

汚血

右同為細末每服半錢或一錢捻頭湯調下量多少與

之捻頭湯即湯中滴油數點食前服

湯木通散治心經伏熱小便不通啼叫

木通

兩

牽牛子

炒半兩

滑石

兩

右為末燈心葱白煎服

冬葵子散治小兒腹急悶

冬葵子

兩

木通

半兩

右為末每服一錢煎服

錢尿深黃色久則尿血 小便不通久脹滿當利小便

淋病

湯治血淋神效方

紫草

連翹

車前子

各等分

水煎服

又方

海螵蛸

生地

白茯苓

右等分為末栢葉車前草煎湯調下

氣 治氣淋

赤芍藥兩

檳榔麩裹煨

右為末燈心同棗子煎湯調下

遺尿

虛

湯 治小便不禁或睡中遺出不覺

雞腸草兩

牡礪粉錢三

龍骨

麥門冬去心

白茯苓

桑螵蛸各半兩

右件咬咀每服一錢棗子一枚擘破煎食前服

又方破故帛一味炒為末黃柏煎湯調下

外療 小兒睡中遺尿不自覺桂末雄雞肝等分搗丸如小

豈大溫水下日三服

雜考

世 小兒夢中遺尿慧苡仁一合許去心不去殼敲碎入塩

一小撮同炒黃色用水二鍾煎至半鍾空心服之累效

喉痺

上實

凡治小兒喉痺宜於大人喉痺法參用之

湯 喉痺別無治法非吐不可生此證萬一危極前法無效

急用官局碧霞川研細用薄荷自然汁入醋調以鷄翎蘸

藥送入喉內徐徐導引得吐出痰涎為佳本事方論碧霞

丹能害人此不然蓋當時遇有合死之人耳

碧霞丹

石綠

附子尖

烏頭尖

蝎稍

右為末為丸薄荷汁化取涎出

針灸

明 喉中鳴咽乳不利

璇璣

急喉痺

天突灸一壯不宜

醫學綱目卷之三十七

小兒部

心主熱

潮熱

積熱

溫病

變蒸

熱心痛

弄舌

重舌

木舌

舌白胎

鼻衄

遲言

盜汗

自汗

癰癤

腮腫

惡核瘰癧

赤丹

疥癬

眉煉

耳瘡

附凍

面瘡

口

瘡

癩頭瘡

脚凍瘡

痘疹治法通論

痘出太密

痘出不快

痘痒塌

痘灰白色

痘黑陷倒靨

痘寒戰

痘

發熱

痘寒熱

痘渴

痘渴瀉

痘

瀉不渴

痘吐逆

痘腹脹

痘腹痛

痘喘

痘大便秘

痘餘毒

痘入目

痘咽痛

痘風

痘癩搖

痘瘡痛

痘膿而不痂 痘後瘡癬 痘癰 中惡

客忤

五臟熱證

錢肝熱手尋衣領及亂捻物瀉青丸主之 壯熱飲水喘

悶瀉白散主之 壯熱者一向熱而不已也

肺熱手搯眉目日西熱甚咳嗽寒熱壯熱飲水甘桔湯主

之若肺虛熱唇深紅色輕者瀉白散重者涼膈散主之

心熱視其睡口中氣溫或合面臥及上竄搖頭咬牙皆心

熱也導赤散主之 心氣熱則心胸亦然欲言不能而有就冷之意故合面睡

脾熱則目黃肚大怠惰嗜臥身熱飲水四肢不收瀉黃散

主之

腎虛則下竄畏明地黃丸主之 頰赤由心臟邪熱上攻

也宜服導赤散

錢面上證左腮為肝右腮為肺額上為心鼻為脾頰為腎

赤者熱也隨證治之 目內皆赤者心熱導赤散主之淡

紅者心虛熱生犀散主之青者肝熱瀉青丸主之淺淡者

補之黃者脾熱瀉黃散主之無精光者腎虛地黃丸主之

潔古云目中五色甚者瀉本臟色淺者宜補之又云白是寒小便青四逆湯黃赤是熱承氣湯瀉本藏青是腹痛捻

頭散主之桂枝芍藥湯亦主之

表裏

脈小兒脈沉而數者骨間有熱欲以腹按冷清也

錢身熱不飲水者熱在外身熱飲水者熱在內

海四順飲子治熱在內而不厥 連翹散治熱在外而不

厥

丹小兒發熱手足伏熱痰熱必用吐法輕劑苦參赤小荳

末重劑瓜蒂散淡薤汁調服之如不吐用鵝翎探之

虛熱

錢朱監簿子五歲忽發熱醫曰此心熱也頤赤而唇紅煩

燥引飲遂用牛黃丸三服以一物瀉心湯下之來日不愈

反加無力而不能食又下之便利黃沫錢曰心經虛而有留熱在內必被涼藥下之致此虛勞之病也錢先用白朮散生胃中津液次以生犀散治之朱曰大便黃沫如何曰胃氣正即瀉自止虛熱也朱曰醫用瀉心湯如何錢曰瀉心湯者黃連一物耳黃連性寒多服則利能寒脾胃也坐久衆醫至皆曰實熱錢曰虛熱若實熱何以瀉心湯下之不安又加面黃頰赤五心煩躁不食而引飲醫曰既虛熱何大便黃沫錢笑曰便黃沫者服瀉心湯多故也錢與胡黃連丸治愈 鄭人齊郎中者家好收藥散施其子忽臟熱齊自取青金膏三服并一服餌之服畢至三更瀉五行其子困睡齊言子睡多驚又與青金膏一服又瀉三行加口乾身熱齊言尚有微熱未盡又與青金膏其妻曰用藥十餘行未安莫生他病否召錢氏至曰已成虛羸先用前

白朮散時時服之後服香薷九十三日愈香瓜九即香瓜散方見自汗條

風熱邪熱四君子湯加生薑荆芥煎

小兒客熱在內不思乳食先用導赤散次用益黃散

實熱在內者四順飲之類在上者吐之方見表裏條

小兒熱病六乙散妙藥也

食傷胃熱薑蒸

白朮兩一 半夏 黃連各半兩

加平胃散粥食後白湯下

驚熱 治小兒驚熱

全蝎 天南星取心為末一錢 人參三錢

蛇蛻三錢

右為末薄苛蜜湯調下

錢 風溫熱壯熱相似 潮熱時發熱過時即止來日依

潮熱

驚熱

實熱

時又熱此欲發驚候也

壯熱

壯熱者一向熱而不已甚則發驚癇也

風溫熱

風溫者身不熱而口中氣熱又有風溫症者但溫而不熱

傷寒熱

傷寒熱口熱呵欠頓悶項急治見傷寒部

痘疹熱

痘疹熱噴嚏悸動耳尖冷治見痘疹部

變蒸熱

變蒸熱唇上白泡珠起耳冷治不必

疳熱

疳熱面黃喫炭土羸瘦鼻下赤爛治見疳部

驚熱

驚風熱發搐悸癇脈數煩躁顛叫恍惚治見驚部

診

帝曰乳子而病熱脈懸小者何如岐伯曰手足溫則生

寒則死通評虛實論甲乙經謂婦人乳子者

忌

熱證疎利或解化後無虛證勿溫補熱必隨生

潮熱

熱有作止每日應時而發也

虛熱

錢地骨皮散治虛熱潮作亦治傷寒壯熱及餘熱

知母

甘草炙

半夏洗七次

銀柴胡去蘆

人參

地骨皮

赤茯苓已上各等分

如有驚熱

加蟬蛻天麻黃芩若加秦艽名秦艽飲子

右為細末每服二錢生薑三片水煎食後溫服量大小

加減海藏云地骨皮散即小柴胡湯加減法自汗者地骨皮散無汗者柴胡湯三黃湯仲景所用錢氏改

諸丸散加減並出古法

生犀散治症同前

生犀角挫末二錢

地骨皮

赤芍藥

柴胡

葛根各一兩

甘草炙半兩

右為麤末每服一二錢水煎食後溫服海藏云生犀湯即犀角地黃湯

加減法此少陽陽明相合也

犀角散治小兒骨蒸肌瘦頰赤口乾晚潮熱夜有盜汗

五心煩躁四肢困倦飲食雖多不生肌肉

犀角末

地骨皮

麥門冬

枳殼炒

大黃蒸

柴胡

茯苓

赤芍藥

黃芪

桑白皮

人參

鱉甲

醋塗炙各等分

右為麤末每二錢入青蒿少許水煎量見大小加減一鍾煎八分食後溫服

丹小兒潮熱盜汗胡黃連柴胡等為細末煉蜜丸芡實大每二九酒化開入少水煎小沸服

錢朱監簿子五歲夜發熱曉即如故眾醫有作傷寒治者有作熱治者以涼藥解之不愈其候多涎而喜睡他醫以鐵粉丸下涎其病益甚至五日大引飲錢曰不可下之乃取白朮散一兩煎藥汁三升使任意取足服朱生曰飲多不作瀉否錢曰無生水不作瀉縱多不足怪也但不可下

耳朱生曰先治何病錢曰止瀉治痰退熱清神皆此藥也至晚服盡錢視曰更可服三升又煎白朮散三升服盡得稍愈第三日又服白朮散三升其子不渴無涎又投阿膠散二服而安

錢秦芫散治潮熱減食蒸瘦

秦芫去頭切焙

甘草炙各一兩

薄荷葉切焙半兩

右為麤末每服二錢水一鍾煎八分食後溫服

潔潮熱有時胸滿短氣者桃枝丸方見小兒積熱

實熱

湯風痰熱晚熱早涼喫水無時此候乃痰作潮而生風熱

即宜金星丸下之或氣弱者不可下宜奪命散以控下涎

次服惺惺散加南星白附子奪命散方見驚風門惺惺散方見痘疹門

金星丸治風熱結聚喉內痰鳴喘麤咳嗽面紅顯腫咽膈

壅塞發熱狂躁多渴

宿食熱

右為末米醋糊丸麻子大薄荷膈茶下
脈經云小腸有宿食常暮發熱明日復止此宿食夜熱也
海藏云夜熱屬陰四順飲之類此血熱在夜也

積熱

久熱也疢熱亦久但兼面黃喫炭土鼻下爛也

表裡虛實

無小兒積熱者表裏俱熱遍身皆熱頰赤口乾小便赤大便焦黃先以四順清涼飲子利動臟腑則熱去既去復熱者內熱已解而表熱未解也當用惺惺散紅綿散加麻黃微發汗表熱乃去表熱去後又發熱者何也世醫到此盡不能曉或再用涼藥或再解表或以謂不可醫誤致天傷者甚多此表裏俱虛氣不歸元而陽浮於外所以再發熱非熱證也只用六神散入粳米煎和其胃氣則收陽歸內

身體便涼熱重者用銀白散

清涼飲子每服二錢薄荷三錢同煎方見治寒熱法惺惺散方見

下後表熱未解者汗之

紅綿散

白殭蚕炒二兩天麻生用一兩天南星切薄片油浸黃二兩

蘇木節另研二兩半

右為末每服一錢水一小盞入紅綿少許同煎至六分溫服凡小兒風熱頭目不清並宜服之若傷寒有表證發熱者每服入去節麻黃末五分有裏熱心燥渴者入滑石末半錢同煎服之

六神散

汗後氣不歸元者和之

人參 白茯苓 乾山藥 白朮
白扁豆 甘草炙各等分

右為末每服一大錢水一小盞煎至五分服此藥用處甚多治胃冷加附子治風症加天麻治痢加鴛粟殼

銀白散

乾山藥

白朮

白茯苓

人參

白匾豆

知母

甘草

升麻

右為末每服一大錢水一小盞煎一枚生薑二片同煎溫服不拘時候

胸滿短氣者下之

桃枝丸踈取積熱及結胸又名桃符丸

巴豆霜

大黃

黃柏

輕粉

硃砂各半

右細末麪糊丸粟米大煎桃枝湯下一醉兒五七丸五七歲二三九未醉兒二三九臨臥服

梔鼓飲子治小兒畜熱在中身熱狂躁昏迷不食

梔子仁

七枚

豆豉

兩

右用水三盞煎至二盞看多少服之無時或吐不吐立效

變蒸熱

診治

變蒸者陰陽水火蒸於血氣而使形體成就是五臟之變氣而七情之所由生也蓋兒生之日至三十二日一變每變蒸畢即覺性情有異於前何者長生臟腑意智故也何謂三十二日長骨添精神人有三百六十五骨以象天數以應期歲以分十二經絡故初生至三十二日一變生癸屬足少陰腎藏精與志六十四日二變一蒸生壬屬足太陽膀胱其發耳與眦冷至九十六日三變生丁屬手少陰心經心藏神其性為喜一百二十八日四變二蒸生丙屬

手太陽少腸其發汗出而微驚一百六十日五變生乙屬
足厥陰肝肝藏魂喜哭一百九十二日六變三蒸生甲屬
足少陽膽其發目不閉而赤二百二十四日七變生辛屬
手太陽肺肺藏魄生聲二百五十六日八變四蒸生庚屬
手陽明大腸其發膚熱而汗或不汗二百八十八日九變
生巳屬足太陰脾脾藏意智至三百二十日十變五蒸生
戊屬足陽明胃其發不食腸痛而吐乳又手厥陰心包經
手少陽三焦此二經俱無形狀故不變而不蒸也前十變
五蒸乃天地之數以生成之然後始生齒能言知喜怒故
云始全也太倉云氣入四肢長碎骨於十變後六十四日
爲一大蒸計三百八十四日長其經脈手足手受血故能
持握足受血故能行立經云變且蒸謂蒸畢而足一歲之
日有餘也師曰不汗而熱者發其汗大吐者微止不可別

治又六十四日爲二大蒸計四百四十八日又六十四日
三大蒸計五百一十二日共五百七十六日變蒸既畢兒
乃成人也變者變生五臟也蒸者蒸養六腑也所以成人
變者上氣蒸者體熱每經一變一蒸情能既異輕則發熱
微汗其狀似驚重則壯熱脈亂而數或吐或汗或煩啼躁
渴輕者五日解重者七八日解其候與傷寒相似亦有變
蒸之餘續感寒邪者但變蒸則耳冷眦冷上唇發泡狀如
泡珠若寒邪搏之則寒熱交爭腹中作痛而啼叫之聲日
夜不絕變者易也蒸於肝則目眩微赤蒸於肺則噴嗽毛
聳凡五臟六腑筋脈骨節循環各有證應其治法和平之
劑微表之熱實者微利之或不治亦自愈

湯千金變蒸論云凡兒生三十二日一變六十四日再變
變且蒸九十六日三變一百二十八日四變變且蒸一百

六十日五變一百九十二日六變變且蒸二百二十四日
十變二百五十六日八變變且蒸二百八十八日九變三
百二十日十變變且蒸積三百二十日小蒸畢後六十四
日大蒸蒸後六十四日復大蒸蒸後一百二十八日復大
蒸凡小兒自生三十二日一變再變為一蒸凡十變而五
小蒸又三大蒸積五百七十六日大小蒸都畢乃成人小
兒所以變蒸者是榮其血脈改其五臟故一變竟輒覺情
態有異其變蒸之候變者上氣蒸者體熱變蒸有輕重其
輕者體熱而微驚耳冷尻冷上唇頭白泡起如魚目珠子
微汗出重者體壯熱而脈亂或汗或不汗不欲食食輒吐
現目白睛微赤黑精微白又云目白者重赤黑者微變蒸
畢自精明矣此其證也單變小微兼蒸小劇凡蒸平者五
日而衰遠者十日而衰先期五日後期五日為十日之中

灸刺

熱乃除耳或違日數不歇切不可妄治及灸刺海藏云一

十八次蓋前三百二十日為十小蒸後二百五

十六日為十大蒸也現乎典切不嘔而吐也

無若身熱耳熱尻亦熱此乃他病可作別治

紫霜丸治小兒變蒸發熱不解并挾傷寒溫壯熱汗後熱

不渴及腹中有痰癖哺乳不進乳則吐現食癩先寒後熱

者
代赭石醋碎赤石脂兩巴豆三十粒杏仁五十箇

右先將杏仁巴霜細研為膏却入二石相和更搗一二

千杵當自相得若硬入少蜜同杵之密器中收三十日

兒服如麻子大一粒與少乳汁令下食頃後與少乳勿

令多至日中當小下除熱若未全除明日更與一粒百

日兒服如小豇大一粒以此准定增減紫霜丸無所不

治雖下亦不虛人

熱久不
解者下
之

心痛

心痛當於大人心痛門參用之

診治 心痛吐水者虫痛 心痛不吐水者冷心痛

錢靈礬散治小兒虫咬心痛欲絕

五靈脂二錢 白礬火飛半錢

右同研每服一二錢水一鍾煎至五分温服無時當吐
出虫

弄舌

脾熱

錢弄舌脾藏微熱令舌絡微緊時時舒舌治勿用冷藥及

下之當少與瀉黃散漸服之田氏云若肥實者用牛黃散治之 或欲飲

水醫疑為熱用冷藥下之者非也飲水者脾胃津液少故

也又加面黃肌瘦五心煩熱即為疳宜加胡黃連輩 若

大病未已用藥弄舌者凶

重舌

診治

湯重舌附舌下近舌根生形如舌而小謂之重舌其着舌

下如此者名重舌其着頰裏及上腭如此者名重腭其着

齒斷上如此者名重斷皆刺之去血可也

熱痰

田重舌治法用苦竹瀝漬黃栢末點舌上如不愈後用真

蒲黃傅之不過三次愈用真蒲黃微炒帑鋪地上出火氣研細每挑此二糝舌下更以温水蘸

熟帑帑指輕輕按之按罷滲藥

姚治小兒重舌馬牙硝塗舌下日三度

世治小兒重舌木舌先用新水揉口并舌上下後用皂角

針燒灰入腦子少許每用半字糝舌上下出涎立效

子母治小兒重舌燒烏賊魚骨細研和鷄子黃傅喉及舌

上

簡治小兒重舌欲死亂髮灰細研以半錢傅舌下日不住

雜方

用之

丹重舌素白皮煮汁塗乳飲之 祕錄又以蜣螂燒末唾傳之

木舌

湯木舌者舌腫漸漸大滿口不急治即塞殺人也

蒸

田木舌治法用局方中紫雪一分竹瀝半合和之時時抹入口中自消

丹小兒木舌百草霜滑石芒硝為末酒調傳

舌白胎

丹舌上生如粥粒桑白皮汁傳之三兩次妙

鼻衄

湯地黃湯治榮中熱及肺壅鼻血生瘡一切丹毒

生地

赤芍藥

當歸

川芎各等分

右咬咀水煎去查量大小加減服如鼻衄臨熟入生蒲黃少許生瘡加黃芪等分丹毒加防風等分同煎累驗春冬衄者用生地黃研取汁加生蒲黃少許砂糖并花水浸服之愈 秋夏衄者用車前草一握洗淨同生薑一處研取汁入生蜜一匙先拌查塞鼻次用新汲水和蜜并車前草生薑汁飲之即愈 又方生蘿蔔取根搗自然汁仰頭滴入鼻管中即止次以新汲水和蜜蘿蔔汁飲之良

遲言

錢菖蒲丸治小兒心氣不足五六歲不能言

石菖蒲三錢

人參五錢

丹參三錢

天麥門冬去心

各一兩

赤石脂二錢

直指有當歸川芎硃砂

右為細末煉蜜丸如菉豆大溫水下十丸至二十九日二三服久服效又有病後腎虛不語宜兼服六味地黃

九海藏云地黃丸足少陰也與菖蒲丸上下通經

雞頭丸治小兒諸病後不能語

雄雞頭炙一箇 鳴蟬炙焦三箇

大黃煨一兩 甘草一兩

當歸三分 不通

黃芪各半兩 川芎

遠志去心 麥門冬去心各三分

右同為細末煉蜜丸如小棗豆大平日米飲下五丸空

心日三四服兒大者加之久服取效雞蟬二物宜求死

者用之不可旋殺孫真人所謂殺生求生去生更遠矣

海百舌鳥今之鶯也名反舌主小兒不語炙食之又治虫

咬

錢腎怯失音相似病吐瀉及大病後雖有聲而不能語此

非失音為腎怯不能上接於陽故也當補腎地黃丸主之

失音乃瘖病耳 口噤不止則失音聲遲亦同

金灸

明五六歲不語者 心膈三

盜汗

錢黃芪散治虛熱盜汗

牡礪煨

黃芪

生地各等分

右為末煎服不拘時

盜汗睡而自汗出肌肉虛也止汗散主之遍身汗香瓜丸

主之

止汗散用故蒲扇灰研細每服三錢溫酒調下無時如無

以故蒲代之

實熱

虎杖散治實熱盜汗虎杖水煎服量多少與之無時

海晉郎中子白嬰至童盜汗凡七年矣諸藥不效予與涼

膈散三黃丸三日病已蓋腎為五液化為五濕相火逼腎

腎水上行乘心之虛而入手少陰心火炎上而入肺欺其

雜考

不勝已也皮毛以是而開腠理玄府不閉而為汗出也出於睡中者為盜汗以其覺則無之故經曰寢汗憎風是也先以涼膈散瀉胸中相火相火退次以三黃丸瀉心火以助陰則腎水還本臟玄府閉而汗為之自已

自汗

世治小兒盜汗用鬱金末塗兩乳下立效

上

錢治病有等 張氏三子病大者汗遍身次者上至頂下

至胸小者但額有汗衆醫以麥煎散治之不效錢曰大者

與香瓜丸次者與益脾散小者與石膏湯各五日而愈

汗遍身

香瓜丸

胡黃連

大黃瓜 黃色者一箇

大黃 濕帛畏煨

柴胡 去蘆

鱉甲 醋炙黃 黃栢

黃連

蘆薈

青皮 各等分

右除黃瓜外同為細末將黃瓜割其頭填入諸藥至滿却蓋口用杖子插定火內煨熟將黃瓜及藥同用麩糊丸如菜豆大每服二三丸食後冷漿或新水下大者五七丸不過十丸

中部汗

胃怯汗上至頂下至臍此胃虛當補胃益黃散主之

頭汗

錢六陽虛汗上至頂不過胸也不須治之 喜汗厚衣臥

而額汗出也止汗散主之

癰癤

表散

湯凡癰癤未見之初微見有紅頭瘰子起隱疹者急用不語唾夜半頻頻塗之飲酒了不可用

治發背癰癤方

羌活 兩

川山甲 炒焦半兩 生人骨 煨存性半兩

麝香 許少

右末煎麻黃薄苛酒調如陰瘡頭平向內者服之即突
出其功效不可盡述若小兒痘瘡黑陷者只一服而起
萬不失一

腮腫

表

本治小兒毒氣攻腮赤腫可畏者

皂角去核

天南星生用

糯米合

右為細末薑汁調塗立效

惡核瘰癧

除本
於裡

湯小兒惡核生於項頸上遇風寒所折不消結成瘰癧久
而潰膿生瘡也宜服四味大黃飲即四順清涼
飲子是也

瘰癧又方

升麻

射干

連翹

犀角屑

大黃微

朴硝各半

右咬咀水煎大小加減忌酒麪炙煨物

治標於
表

貼惡核方

赤小豆

猪牙皂角

硝石

黃藥

木鱉子各半

右末雞子清調塗患處

貼散瘰癧神效方

白膠香

降真香

用心無
土氣者

海螵蛸

右等分為末糝患處外以水帛掩之一夜而退

赤丹

田赤遊治法宜服犀角散一法先鑱去惡血服上藥犀角
散方

見潮
熱

風熱

湯小兒丹毒乃熱毒之氣極與血相搏而風乘之故赤腫
及游走遍身者又名赤遊風入腎入腹則殺人大抵丹

毒雖有多種病源一也有赤丹毒遍身痒者或女子十五
六而脈未通者多發丹疹皆由血有風毒乘之宜服防已
散

漢防已兩半 朴硝 犀角 黃芩

黃芪 升麻各乙

右咬咀竹葉煎大小加減

丹小兒黑斑紅斑瘡痒癩疹並用防風通聖散治之

荆芥散

防風 天花粉 羌活 生地黃

當歸 蟬蛻各等分 水煎服

解毒散

寒水石 滑石 石膏 辰砂

右三石等分為末入辰砂少許量見大小燈心湯下

又方

赤小豆 木鱉子 橡料子 南星

大黃 朴硝

右為末用慈姑薄苛龍青和蜜水調塗患處外用雄黃
圍之却服荆芥解毒二散

聖小兒發斑散毒氣用生葵菜葉絞取汁少少與服之

千治小兒丹發慎火草生一握搗取汁傳之效

秘錄治小兒赤遊丹行於上下至心即死搗芭蕉根汁煎

塗之

兵部治孩子赤丹不止以胡荽汁傳瘡

秘錄小兒赤遊行於體上下至心即死以芒硝納湯中取

濃汁以拭丹上

錢丹瘤熱毒氣客於腠理搏於血氣發於外皮上赤如丹

敷貼正
治法

當以白玉散塗之

白玉粉即滑石

寒水石兩

右末之用米醋或新水調塗

山火丹磨銅鐵水調廁上泥傳之 小兒赤遊風用朝南

燕巢泥雞子清調傳將腫處用針割破鮮魚血塗之尤妙

敷貼反治法

丹小兒天火丹臍腰起者赤溜不妨用蚯蚓泥炒研細香油傳之

田又法用牛膝一兩去苗甘草半兩生剉碎水煎一大盞

去查調伏龍肝塗之

山小兒赤丹伏龍肝為末芭蕉油調傳 又方用雉雞毛

及鷺毛燒灰香油調傳

湯又傳丹毒方只一夜消盡用花蕊石生薑薄荷自然

調鷺毛刷上患處為妙

虛

張三太尉女十五歲病此諸醫百藥俱試而不能中召予

視之以生料四物湯加防風黃芩一日而愈

生料四物湯治血熱生瘡遍身腫痒及脾胃常弱不禁大

黃等冷藥尤宜服之

生地

赤芍藥

川芎

當歸

防風

各半

黃芩一錢

右咬咀水煎量大小加減忌酒麪猪羊肉豆腐

丹小兒赤溜主傷血熱宜生地黃木通荆芥苦藥帶發表

之類外以芭蕉油塗患處

世丹痒者用韭菜揆些塩與香油以手摩熱於丹上搯之

立愈

丹小兒丹瘤草麻子五箇去皮研入麪一匙水調塗之甚

效

雜方

十種丹

本小兒十種丹瘤腫毒所起形候并方治法

一飛竈丹從頂頭起先腫用蔥白研取自然汁塗

二古竈丹從頭上紅腫痛用赤小豈末雞子清調塗譚氏方同

不拘何處皆治

三鬼火丹從面赤赤腫用灶心土雞子清調塗按不拘何處皆治妙

四天火丹從背起赤點用桑白皮末羊脂調塗

五天炷丹從兩腎赤腫黃色用柳葉燒灰水調塗腎一作臂

六水丹從兩脇虛腫用生鐵屑為末猪糞調塗

七胡火丹從臍上起黃腫用檳榔為末米醋調塗

八野火丹從兩脚赤腫用乳香末羊脂調塗

九烟火丹從兩脚有赤白點用猪槽下土麻油調塗

十胡漏丹從陰上起黃腫用屋漏處土羊脂調塗

右此十種丹毒變易非輕治之或緩則終不救故予不

惜是方能逐一仔細辨認依此方法治之萬不失一

經三日不治攻入臟腑則終不救不可緩也

母赤遊風於身上下至心即死子母秘錄煎汁洗之荊藿即白

花草藥也

世百日內發必死不治

疥癬

海小兒經絡蘊熱頭面及身體生瘡四君子加瓜蒌根桔

梗各半錢煎服

湯小兒惡瘡天氣溫和頻與澡洗更衣名曰外宣亦不宜

服藥小兒不得已而服藥此乃下法若將養合宜何疾可

侵更令乳哺有節勿令過飽其身乃如藥樹此養生之理

也

湯惡瘡方頻浴身安外宣無病

診

洗法

虛熱

洗法

春用柳條荆芥 夏用東葉槐枝 秋冬用苦參
煎湯洗

敷藥 傳瘡藥方 剪刀草 黃連 苦參

右等分為末先洗淨次用麻油輕粉調傳

田瘡癬治法浸淫瘡宜用苦瓠散塗之乾癬宜用羊蹄根
絞自然汁調膩粉塗之濕癬宜用青金散貼之

苦瓠散治小兒浸淫瘡漸展不止

苦瓠二兩 蛇蛻皮燒灰半兩 蜂房微炒半兩 梁上塵合

右為細末生油調塗攤帛上貼

青金散治小兒濕癬浸淫瘡

白膠香研兩 輕粉兩半 青黛二錢半

右研為細末乾糝瘡上

秘錄治小兒風癩不止白礬十二分煖熱酒投化用馬尾

蘸酒塗之

山小兒頭面爛瘡木耳春細蜜調傳又冷水調平胃散傳
俱乾則易之

眉煉

田眉煉治法用青金散傳之如不愈燒小麥存性研細好
油調塗

耳瘡耳凍瘡

雜方

丹小兒耳後月蝕瘡蚯蚓糞燒以猪油和傳之 耳上生
瘡竹葉燒末猪脂傳之妙

楊氏以雞子白和傳立瘡 耳月蝕方胡粉和上傳之

耳後月蝕黃連末傳之安

湯白蘂散治小兒凍耳成瘡或痒或痛

黃栢 白蘂各半兩

右為末先以湯洗瘡後用生油調塗

面瘡

世治小兒面瘡通面爛無全膚膿水流漓百藥不效者陳年臙猪油不入塩者傳之神效

口瘡

塗顙門法

簡如聖散治小兒口瘡不能喫乳者江子一粒或二粒研爛不去油入硃砂黃丹傳紙絹上少許剝開小兒顙門貼在顙上如四邊起粟米泡便用溫水洗去藥恐成瘡更用菖蒲水洗便安其效如神

塗脚心法

世南星膏治口瘡小兒難用藥以大天南星去皮取中心龍眼大為末却用酸醋調塗脚心甚妙
千治小兒口瘡飲乳不得以白礬如鷄子大置醋中塗兒足底二七次即愈

正治法

無牡礪散治小兒口瘡

牡礪煨通紅取出候冷研細以帛裹入土中七日出火氣三錢

甘草炙為末一錢

右和勻時時挑少許糝口中或吐皆無害

田口瘡治法乳母同兒宜服洗心散瀉心湯然後用黃栢末研細糝之

瀉心湯方黃連一味為末蜜水調不可煎

湯治口瘡驗方

黃栢蜜炙赤青黛一分

右二件為末頻糝口內愈

從治法

斗口瘡服涼藥不愈者此中焦氣不足虛火泛上宜附子理中湯

癩頭瘡

上熱正治

世治久癩頭用黃連細末傳之 治年久癩頭內用苦參丸食後服之外用苦參末油傳之二月愈
丹又方用防風通聖散酒製除大黃另研為末再用酒拌

晒乾為末每一錢水煎服日四五服至三十貼見效
又方

川芎 片苓酒 芍藥酒 陳皮各半

白朮酒 當歸酒各一兩 天麻酒 蒼耳半七錢

黃栢酒 粉草酒 防風各三錢

右咬咀煎服四五次服之服過睡片時

小兒癩頭用燒紅炭焯長流水令熱洗之仍用芫荽子煎

猪脂去子用脂傳患處 又法用胡荽子伏龍肝懸龍尾

黃連白礬為末油調傳

頭瘡方

猪油一錢半 雄黃 水銀各二錢半

右研和勻傳瘡上

又方治小兒癩頭并身癩等證用松皮燒灰白膠香枯礬

大黃黃栢油調傳患處 又方用臘月馬脂油搽患處極

妙

簡頭瘡大笋殼燒為灰量瘡大小用灰調生油傳又加膩

粉佳

秘錄小兒頭身諸瘡燒雞卵殼和猪脂傳之

世治癩頭

松香一兩 乾銚溶開安在石 黑龍尾三錢 即屋

塵垂 白芷兩 松樹皮二錢 水銀二錢

黃丹三錢 雄黃 白礬各二錢

右為末以血餘入香油煎爛調傳患處

脚凍瘡

湯生附散治爛脚瘡用生附子為末麪水調傳之愈

痘瘡治法通論

大法

錢瘡疹惟用温平藥治之不可妄下及妄攻發受風冷藏海云温平者非熱劑如荆芥薄荷防風牛蒡子甘草之類活人鼠粘子湯與潔古解毒防風湯相兼選用是也丹溪云鼠粘子連翹山查甘草此四味痘瘡始終必用之藥

錢診睦親宮中十大王瘡疹云瘡疹始終出未有他證不

可下但當用平和藥類與乳食不受風冷可也如瘡疹三

日不出或出不快即微發之鼠粘子湯之類如瘡發後不多出即

加藥如一日一貼加藥不出即大發之升麻葛根防風羌活獨活麻黃桂枝

類如發後不多及脈平無証即瘡本稀不可更發也有大

熱者當利小便小熱者當解毒利小便四聖散之類若不快勿發勿

下攻止用抱龍丸治之瘡疹若起能食者大黃丸下一二

行即止有大熱者當利小便有小熱者宜解毒若黑紫乾

陷者百祥丸下之不黑者慎勿下身熱煩躁腹滿而喘大

小便澀面赤悶亂大吐此當利小便不瘡者宣風散下之

也若五七日痂不焦是內發熱氣蒸於皮中故瘡不得焦

痂也宜宣風散導之用生犀角磨汁解之使熱不生必着

痂矣

潔古海藏宗錢氏法

論曰癩疹之病其為證各異瘡發焮腫於外屬少陽三

焦相火也謂之癩小紅靨行皮膚中不出者屬少陽君火

也謂之疹凡顯癩疹若自吐瀉者不可妄治而多吉謂邪

氣上下皆出也大凡癩疹首尾皆不可下恐動則生變此

謂少陽通表宜和之也當先安裏解毒次微發之解毒須

安五臟防風湯是也如大便不秘者須微發之藥宜錢氏

方中選而用之如大便過秘宜微利之當歸丸惠變百祥

丸是也初知癩疹若使之併出小兒難禁是以別生他症

也首尾不可下者首曰上焦尾曰下焦若既吐利安可下

便宜安裏若不吐瀉者先與安裏藥三五服如能食而大

便秘結內實者宜疎利之若內虛而利者宜用安裏藥一
二服末後一服調以微發之藥要之安裏之藥多發表之
藥少秘則微疎之令邪氣勿壅併而能作番次出使兒易
禁也身溫者順身涼者逆二者宜多服防風湯和之
安裏解毒防風湯

防風兩一 地骨皮 黃芪 芍藥

荆芥 枳殼 鼠粘子各等分

右為末水煎四五錢服若能食而大便實宜當歸丸微
利之

當歸丸 東變百祥丸二方並見痘瘡大便秘門

海夫癩之為病皆由子在母腹中時浸漬食母血穢蘊而
成毒皆太陰濕土壅滯君相二火之所作也因小兒真氣
既盛正氣又旺邪無所容或遇天寒感傷表或因傷事

由是而出焉治當何如外者外治內者內治中外皆和其
癩自出至於惡寒者發之表大熱者奪之渴者清之大便
秘結者下之小便不通者利之驚者安之泄者分之可以
執一為哉大抵傷寒同治隨經用藥最為高論假令五日
已裏諸病與癩疹不能別辨者不可疑作癩疹必須發之
但各從其所傷應見治之皆不妨癩出若強發之其變不
可勝數矣前人言首尾俱不可下者為癩未顯于表下則
邪氣不得伸越此脈證有表而無裏故禁首不可下也尾
不可下者為癩毒已顯於外內無根蒂大便不實無一切
裏證下之則癩氣逆陷故禁尾不可下也又言溫煖蓋覆
不令通風以癩疔或身表涼而惡寒或天令寒而惡冷溫
煖蓋覆不令通風也癩若已出身熱天暄何必用蓋覆而
不使之通風乎後人執此二句首尾俱不敢下溫煖不令

通風不知天令之所加人身之所盛致使悞人多矣大抵前人之言隨時應變後之人不知其變故常執而不移也噫首尾俱不可下者以其始終臟腑元無凝滯也若有一切裏證及大便結者安得不下温煖不使之通風以其發在冬時故如此也若發在夏時癰雖未出亦不用此也癰之用藥大率以脈為主浮中沉之診平舉按之候察其虛實定其中外則可以萬全矣

如外傷升麻湯主之方見本門 內傷枳實丸主之 大便更

者枳木丸主之 若傷冷者温之神應丸三方俱見內傷飲食 惡

寒者發之宜防風蒼木湯方見本門前條 表大熱者奪之此表

者通言三陽也夫陽盛者氣必上行言奪者治之不令上

行也是知無三陽表證有三陽裏證染於有形也此言表

總三陽之名也 渴者清之大渴者白虎湯暑月用之 小渴

者涼膈散涼膈散去硝黃加甘桔者穩 大便秘結者下之桃仁承氣

湯四順飲子柴胡飲子選用察其在氣在血必內實能食

而秘者可用但當微微潤之 小便不通者利之導赤散

八正散之類當求上下二焦何經而用之 驚者安之涼

驚丸重者瀉之瀉青丸 泄者分之寒則異功散四君子

湯熱則澤瀉茯苓湯

小兒癰疹初發未能辨認間但求所出之由因內因外及

不因外內隨其所傷如法服餌防其變故抑其盛氣比之

他證尤不可緩或發或瀉或解其肌或化其毒求其所起

之由涼血清肺調其臟腑平其飲食謹其禁忌嚴其養攝

適其寒温將理有法俾盡其道使出無不快之經成無不

痂之潰既愈之後不致遊毒流汗虛腠目疾膜翳瘡癰癩

瘤喉閉隘腫潮熱汗泄此治癰之大畧也 凡未出而發

播者是外感風寒之邪內發心熱之所作也當用茶粉下
 解毒丸犀角地黃湯主之 一發出便密如針頭形勢重
 者合輕其表而涼其內連翹升麻湯 若癰已發密重微
 喘飲水者有熱證用去風藥微下之 若出不快清便自
 調知其不在表不在裏當微發升麻葛根湯 若青乾黑陷
 身不大熱大小便澀則是熱在內煎大黃湯下宣風散
 若身表大熱者表證未罷不可下 若癰已出見小熱小
 便不利當以八正散利之 若已發後有餘毒未散復有
 身熱瘡腫之類當茶粉下解毒丸 凡瘡疹已出後有聲
 音者乃形病而氣不病也 瘡疹未出先聲音不出者乃
 形不病而氣病也 若瘡疹出而聲音不出者是形氣俱
 病也當清其肺氣宜用八風湯并涼膈散去硝黃亦可
 丹溪分 小兒痘疹分氣血虛實以四君子四物酒炒苓連等服

之

氣虛參朮加解毒藥 血虛四物加解毒藥

右加解毒者酒炒黃芩炒黃連是也海藏云解毒者三
 黃湯金花丸之類

丹痘瘡分人之清濁就形氣上取勇怯 痘瘡黑屬血熱
 涼血為主白屬氣虛補氣為主中黑陷而外白色起遲者
 則補氣中畧帶涼血藥

陳氏惟主溫補

陳痘瘡未出已出之間或瀉渴或腹脹或氣促謂之裏虛
 速與十一味木香散治之 如已出之間其瘡不光澤不

起發根窠不紅謂之表虛速與十二味異功散治之 如

已出之間其瘡不光澤不起發根窠不紅或瀉渴或腹脹

或氣促是表裏俱虛也連與十二味異功散送下七味肉

荳蔻丸治之 丹溪云木香異功散二藥治寒 如瘡始出

一日至十日渾身壯熱大便黃是表裏俱實也其瘡必光澤必起發必飽滿必易屬而不致損傷若無他疾不宜服藥 表裏俱實者易出易屬表裏俱虛者易出難屬表虛難出裏虛難屬隨症治之

張巽之治痘要法吐瀉少食爲裏虛陷伏倒靨灰白爲表虛二者俱見爲表裏俱虛全用異功散救之甚至薑附靈砂亦可用若止裏虛減官桂若止表虛減肉豈菟不減官桂丁香若能食便秘而陷伏倒靨者爲裏實當用錢氏及丹溪下法若不吐瀉能食爲裏實裏實而補則結癰毒紅活綻凸爲表實表實而用表藥則潰爛不結痂凡痘但見癍點便忌葛根湯恐發得表裏俱虛也

辨陳氏之偏

丹讀前人之書當知其立言之意苟讀其書而不知其意求適於用不可得也痘瘡之論錢氏爲詳歷舉源流經絡

分明表裏虛實開陳施治之法而又證以論辨之言深得著書垂教之體學者讀而用之如求方員於規矩較平直於準繩引而伸之觸類而長之可爲無窮之應用也今人不知致病之因不求立方之意倉卒之際據證驗方謾爾一試設有不應并其書而廢之不思之甚也近因局方之教久行素問之學不講抱疾談醫者類皆喜溫而惡寒喜補而惡解利忽得陳氏方論皆用燥熱補劑其辭確其文簡歡然用之翕然信之遂以爲錢氏不及陳氏遠矣或曰子以陳氏方爲不足歟曰陳氏方誠一偏之論雖然亦可謂善求病情者其意大率歸重於太陰一經蓋以手太陰屬肺主皮毛足太陰屬脾主肌肉肺金惡寒而易於感脾土惡濕而無物不受觀其用丁香官桂所以治肺之寒也用附木半夏所以治脾之濕也使脾與肺果有寒與濕而

兼有虛也量而與之中病則已何傷之有今也不然但見
出遲者身熱者泄瀉者驚悸者氣急者渴思飲者不問寒
熱虛實率投木香散異功散間有偶中隨手獲效設或誤
投禍不旋踵何者古人用藥製方有向導有監制有反佐
有因用若錢氏方固未嘗廢細辛丁香白木參芪率有監
制輔佐之藥不專務於溫補耳然其用寒涼者多而於補
助一法畧示端緒未曾深及癡人之前不可說夢錢氏之
慮至矣亦將以候達者擴充推廣用之耳雖然渴者用溫
藥痒塌者用補藥自陳氏發之迥出前輩然其多用桂附
丁香辛芳燥熱恐未為適中也何者桂附丁香輩當有寒
而虛者固是的當虛而未必寒者其為患當何如耶陳氏
立方之時必有挾寒而用一偏之方寧不過於熱乎予嘗
會諸家之粹求其意而用之實未敢據其成方至正甲申

陽氣早動正月間邑間痘瘡不越一家率投陳氏方

死者百餘人雖由天數吾恐人事亦或未之盡也

瘡疹

傷寒男體重面黃女面赤喘息急各憎寒口中氣熱呵

欠頓悶項急瘡疹則顯赤躁多噴嚏悸動昏倦四肢冷傷

寒當發散之瘡疹當溫平之有大熱者宜解毒 昏睡喜

噫悸者將發瘡疹

垣辨癍證 呵欠 噴嚏 睡中急驚 耳尖冷 眼溢

辨傷寒 口熱 口中醋氣 妳辦不消 腹中疼痛

錢瘡疹候面燥顯赤目胞亦赤呵欠頓悶乍涼乍熱咳嗽

嚏噴足稍冷夜臥驚悸多睡此瘡疹症天行之病也

睦親宮十太尉瘡疹眾醫治之王曰疹未出屬何臟腑一

醫言胃氣熱一醫言傷寒不退一醫言在母腹中有毒錢

氏曰若言胃氣熱何以乍涼乍熱若言母腹中有毒屬何

錢氏論
屬五臟

臟也醫曰在脾胃錢氏曰在脾胃何以驚悸皆無以對錢氏曰夫胎在腹中月至六七則已成形食母腹中穢液入兒五臟食至十月即穢液滿胃至生時兒口中猶有不潔產母以手拭淨則無疾病俗以黃連汞粉下其臍糞之穢此亦母之不潔餘氣入兒臟中本先因微寒又遇風寒邪氣相搏而成痘疹也未出欲作之時熱動五臟則五臟之症先見初欲病時先呵欠頓悶驚悸乍凉乍熱手足冷面頰頰赤燥咳嗽噴嚏此五臟症俱見也呵欠頓悶者肝也時發驚悸者心也乍凉乍熱手足冷者脾也面赤頰頰赤咳嗽噴嚏者肺也惟腎無候以在腑下不能食穢故也凡瘡疹乃五臟毒若出歸一症肝水疱肺膿疱心為癩脾為疹腎雖無症其候惡者瘡變倒靨而黑陷則歸腎也此由不慎風冷而不能食內虛所致也今太尉疹子無他證當

用平和藥為治因用抱龍丸數服愈海藏云本先因微冷而不能食內虛一句勿認作寒証用抱龍丸即知瘡疹多熱也

瘡疹始出之時五臟症見惟腎無候但見平症耳尻凉耳凉是也尻耳俱屬於腎其居北方主冷也

垣癩疹始出之症必先見面燥腮赤目胞亦赤呵欠頓悶乍熱乍凉咳嗽噴嚏足稍冷多睡睡驚並瘡疹之症或生膿泡大癩或生小紅癩或生癩疹此三等不同何故俱顯上症而後乃出蓋已上諸症太陽寒水起於右腎之下煎熬左腎足太陽膀胱寒水夾脊逆流上頭下額逆手太陽丙火不得傳道逆於面上故顯是症蓋壬癸寒水尅丙丁熱火故也諸癩症皆從寒水逆流而出也醫者當知此理乃敢用藥夫胞者一名赤宮一名丹田一名命門男子藏精施化婦人繫胞有孕俱為生化之源非五行也非水亦

非火此天地之異名也象坤土之生萬物也夫人之始生也血海始淨一日二日精勝其血則為男子三日四日五日血脈已旺精不勝血則為女子乃二物相搏長先身生謂之神又謂之精道與釋二門謂之本來面目是也其子在腹中十月之間隨母呼吸呼吸者陽氣也而生動作滋益精氣神飢渴皆隨母血兒隨日長筋骨皮肉血脈形氣俱足十月降生口中尚有惡血啼聲一發隨吸而下此惡血復歸命門胞中僻于一隅隱伏而不發直至兒因內傷乳食濕熱之氣下陷合于腎中二火交攻榮氣不從逆於肉理惡血乃發諸癩疹皆出於腎水其瘍後聚肉理歸於陽明故三番癩始顯之症皆足太陽壬膀胱尅丙小腸其始出皆見於面終歸於陽明肉理熱化為膿者也二火熾盛反勝寒水遍身俱出此皆從足太陽傳變中來也

候熱時

錢始發潮熱三日已上熱暈入皮膚即發瘡疹而不甚多

者熱留皮膚之間潮熱隨臟出如早食潮熱不已為水泡之類也已午潮熱為癩申酉潮熱為膿胞辰戌丑未潮熱為疹也

用藥驗
痲是否

王驗癩法若三日未覺形迹當以生酒塗身上時時看之狀如蚤痕者是也或曰傷寒傷食潮熱與癩疹不能辨者宜以辛涼之劑調之五日已裏發出即汗五日已外無者非癩也各隨應見而治之

治驗證施

關治小兒壯熱昏睡傷風風熱瘡疹傷食皆相似未能辨認間服升麻葛根湯惺惺散小柴胡湯甚驗蓋此數藥通治之不致誤也惟傷食則大便酸臭不消化畏食或吐宜

以藥下之海藏云宜以藥下之者當察其所傷何物生硬寒熱不等不可遽以巴豆之類大毒之藥下之

升麻葛根湯太陰陽明也惺惺散治風熱咽不利脾不和少陽渴小便不利也小柴胡湯治性來寒熱胸脇微痛少陽也然欲知其經當以脈別之

癰症未顯服藥

小兒耳冷尻冷手足乍煖乍涼面赤時嗽時噎驚悸此瘡疹欲發候也未能辨認間服升麻湯消毒散已發未發皆宜服仍用胡荽酒黃柏膏暑月煩燥食後與白虎湯玉露散熱盛與紫雪咽喉或生瘡與甘桔湯甘露散餘依前說大人小兒同治法惟大小不同耳海藏云消毒散太陽陽藥也白虎湯治身熱目赤鼻乾不得臥陽明藥也甘露散肺腎藥也甘桔湯少陽藥也紫雪天冬麥冬黃芩生地為血劑玉露散肺腎藥也石膏寒水石為氣劑已上五方皆瀉時暑之藥

升麻葛根湯治傷寒瘟疫風熱壯熱頭痛瘡疹已未發並宜服之

升麻

葛根

芍藥

甘草

炙各等分

右同為細末每服四錢水一盞半煎至一盞無時溫服

海藏云升麻葛根湯太陽陽明之藥陳文中云身熱腹痛者身熱泄瀉者身熱驚悸者身熱汗出者身熱足冷者俱不宜服升麻葛根湯張巽之云凡痘見癰點忌葛根湯恐發得表虛也

惺惺散治小兒風熱瘡疹傷寒時氣頭痛壯熱目泄多睡咳唾氣壅鼻塞清涕

白朮

桔梗

細辛

瓜蒌根

人參

茯苓

甘草

各等分

右咬咀每服二錢水一盞生薑三片入薄荷三葉煎至半盞時時與服活人云加防風川芎亦各隨經也海藏云惺惺散治風熱咽不利脾不和少陽渴小便不利也

右二方發表平劑

王朝奉四物解肌湯

芍藥

黃芩

升麻

葛根

每服四錢水一盞煎至七分去查服或云小兒傷寒疫癘潮熱瘡疹五日已衰疑似不能辨別者並皆辛涼之劑調之即以四物湯解肌之類海藏云此論即有表也若內傷腹中有物未得

大便而發熱者當以食藥去其物則可若得便後仍發熱在表者亦宜此解肌湯比錢氏升麻葛根湯減甘草加黃芩以有表熱之意也

回防風蒼朮湯治小兒邪熱在表惡風惡寒瘡疹未出可解表發癩疹

防風

兩半

蒼朮

石膏

各一兩

甘草

炙半兩

川芎

黃芩

各二兩

右為麤末每服二錢生薑二片薄荷七葉水煎日二服
此方惡寒者宜用之

右二方辛涼之劑表有熱者宜之

傷食宜消導之

大便酸臭不消化畏食或吐乃內傷飲食宜枳朮丸傷冷食飲神應丸

虛大由之

丹一男子年十六歲發熱而昏目無視耳無聞兩手脈皆豁大而畧數知其為勞傷矣時里中多發痘者雖不知人

與藥則飲與粥則食遂教以參芪當歸蒼朮陳皮大料濃與之飲至二十餘貼痘始出又二十貼則成膿疱身無全膚或曰病勞可畏何不用陳氏全方治之予曰此但虛耳無寒也只前方守之又數十貼而安後詢其病因為先四五日恐有出痘之患遂極力採樵連日出汗甚多

五藏見症

錢五臟各有一證 肝臟水疱 肺臟膿疱 心臟癩

脾臟疹 婦腎變黑

海肝臟水疱色或青肺臟膿疱色或白脾臟疹或如麩糠色心臟癩其色赤變婦腎則色黑矣此五色凡痘疹一色者善或二色三色相合而作者凶 第一大小不等

小兒在胎十月食五臟穢血生下則其毒當出故瘡疹之狀皆五臟之液肝主淚肺主涕心主血脾為裹血其瘡出有五名肝為水疱以淚出如水其色青而小肺為膿疱以

涕稠濁如膿其色白而大心為癩主血其色赤而小次於水疱脾為疹其色赤黃而小涕淚出多故膿疱水疱皆大血榮於內所出不多故癩疹皆小又病水疱膿疱者涕淚俱少以液從瘡出故也譬如泡中容水水去則泡瘦矣

右水疱者俗謂之水痘也膿疱者俗謂之痘子也癩者俗謂之瘡子也疹者俗謂之麻子也痘之形狀最大水痘次之癩瘡又次之麻子最小隱隱如麻子也

辨逆順

更看時月重輕大抵瘡疹屬陽出則為順故春夏病為順秋冬病為逆冬月腎旺又盛寒病多歸腎變黑又當辨春膿疱夏黑陷秋癩子冬疹子亦不順也

凡瘡疹只出一般者善 先發膿胞後發疹子者順 先

發水疱後發疹子者逆 先發膿胞後水疱多者順少者

逆 先發水疱後發癩子多者逆少者順 先發疹子後

發癩子者順 先發膿胞後發癩子者逆海藏云此一句足

諸臟相合而不齊也用藥亦難矣前斷云五色各隨五臟亦有二色相合或有三色即無定也此與前後膿水癩疹大小不同先後逆順大意相若

凡瘡疹若出辨視輕重若一發便出盡者必重也痘夾疹

者半輕半重也出稀者輕裏外肥紅者輕外黑裏白者微

重也外白裏黑者大重也瘡端裏黑如針孔者熱劇也青

乾黑陷昏睡汗出不止煩燥熱渴腹脹啼喘大小便不通

者困也凡瘡疹當乳母慎口不可令飢及受風寒必歸腎

變黑難治海藏云或熱極反兼水化者亦能變黑當以涼藥主之不可不察以脈別之可也或有出色正

者內素有熱頭反陷色或灰青似黑中有針眼陷當急以清涼藥疎之便結者大黃牽牛之類便軟者金花丸之類主之

陳輕者作三次出 大小不一等 頭面稀少 眼中無

根窠紅 肥滿光澤

重者一齊並出 密如蚕種 身熱腹脹 瘡灰白色
稠密無縫 瀉渴不止 頭温足冷
輕變重 犯房室 不忌口 先曾瀉 飲冷水 餌涼
藥

重變輕 避風寒 常和暖 大便稠 不燥渴 忌生
冷 忌外人

右飲冷水耳涼藥若內有實熱者不須忌之
二日三日痘瘡始見微微纔出如粟米大或如黍米大或
如菜豆大似水珠光澤明淨者佳不須服藥

四日五日痘瘡大小不等根窠紅活光澤明淨者輕如稠
密陷頂灰白色瀉渴者重

六日七日痘瘡肥紅光澤者輕如身温氣促口乾腹脹足
指冷者重

八日九日痘瘡長足肥滿蒼蠟色者輕如寒戰悶亂腹脹
煩渴氣急咬牙者至重也

十日十一日痘瘡當靨瘡痂欲落而愈如身熱悶亂腹脹
泄瀉寒戰咬牙者重

塗面護
眼法

錢黃栢膏如瘡疹已出此藥塗面次用胡荽酒外治法

黃栢一兩 菘荳粉二兩 甘草四兩 紅花二兩

右同為細末生油調從耳前至眼眶並厚塗之日三兩
次如早塗瘡不至面縱有亦少彭氏云痘疹護眼人多
用胭脂據九醫云不如

錢氏黃栢膏最好諸家
護眼法無出此方也

蕭痘瘡初出用鼠粘子為末水調傳顙門並無患眼亦妙

噴體令
快法

胡荽酒 胡荽一味細切四兩以好酒二盞煎一二沸入
胡荽再煎少時用物合定放温每吸一大口微噴從頂至
足勾遍勿噴頭面病人左右常令有胡荽氣即能辟去汚

氣瘡疹出快

變重為輕法

痘疹初出時或未出時見時人有患者宜預服此藥多者令少重者令輕以絲瓜近蒂三寸連皮子燒灰存性為末沙糖拌勻乾喫入硃砂末更妙
垣消毒救苦湯治癩症悉具消化便令不出若已出稀者再不生癩十一月立此方隨四時加減惟通造化明藥性者能之

麻黃根

羌活

防風各五分

柴胡

川芎各二分

細辛

藁本二分

升麻五分

葛根

黃芩酒炒各二分

黃連三分

黃柏酒炒五分

紅花少許

蘇木一分

歸身三分

吳茱萸半分

白朮一分

蒼朮二分

甘草生

橘皮各一分

連翹半錢初出者成出大者加

生地五分

右咬咀每服五錢水二大盞煎至一盞去查稍熱服

疹者因內傷必出班乃榮氣逆故也大禁牽牛巴豆峻藥宜半夏枳實大黃益智仁之類去瀉止吐若耳尖冷呵欠睡驚噎噴眼澁知必出癩也宜

升麻

葛根

白芍藥

甘草

歸身

連翹各等分

右咬咀水煎服此定法也後隨症加減

如肺出膿癩先顯喘嗽或氣高而喘促少加人參黃芩

以瀉伏火而補元氣 如心出小紅癩必先見噎乾驚

悸身熱肌肉腫脈弦洪少加黃連 如命門出癩疹必

先骨痛身熱其疼痛不敢動搖少加生地黃柏 諸癩

疹皆為陰症瘡皆因內傷乳食脾胃不足榮氣逆行雖

火勢內熾陰覆其外故錢氏製四物升麻湯發之如有

分五藏施治

傳變症依加減法服之

世如疹痘則發於脾宜陳氏人參清膈散疹者皮膚隱隱如麻名曰麻子

水疱者多因傷寒熱毒而發宜升麻散及羌活散方見

分乾温治

丹瘡乾者宜退火濕者用瀉濕退火止用輕劑荆芥升麻葛根連翹之類瀉濕乃肌表間濕宜用風藥防風白芷之類痘初起時自汗不妨蓋濕熱薰蒸而起故也

診生死

世痘瘡不治症有七 一憂齒痘黑陷喉中涎喘因先受

風冷血氣虛弱即變此症 二憎寒困倦痘子縮伏 三

瘡作坑內無膿血或黑色泡或瘡跡作黑色 四痘癰壅

腫痘毒變疔口臭齩爛牙落 五聲啞氣噎或咽藥腹中

鳴 六痘初出而半在皮膚帶紫黑色不出者 七誤於

踈轉氣啞者 凡出前後心密及兩手心兩足心密者皆

不可治

陳論痘不治有五 痒塌寒戰咬牙煩躁不止 紫黑色

喘渴不寧 頭温足冷悶亂欲飲水 目睛上視齩齒氣

促泄瀉不止 灰白色陷頂腹脹喘渴不止

禁忌

活小兒瘡疹與傷寒相類頭痛身熱足冷脈數疑似之間

只與升麻湯解肌兼治瘡子已發未發皆可服但不可踈

轉此為大戒傷寒身熱固不可下瘡疹發熱在表猶不可

轉世人學乃云初覺以藥利之宣其毒也誤矣海藏云此論雖

當在經則可若熱甚過極足冷或內傷腹熱足冷宜以寒藥如洗心調胃及化食藥通膈之類主之然當求責臟府

秘與不秘脈道何如耳許氏云上熱下冷傷食也痘疹初熱手足亦冷惟傷寒一身盡熱不與足冷相類此傷食非

傷冷也若傷冷不宜用 痘瘡已出不可踈轉出得已定

王德孚用感應丸治之 膿血太盛却用踈利亦非也海藏云此言若在經而出不

時後重如痢疾及脈 大抵瘡疹首尾皆不可下海藏云

滑在裏者亦當微下 小兒身耳尻冷咳嗽輒用利藥即害人海藏云

疑滯者不可拘此

言裏和而少陽之氣在經熱者故用化毒犀角湯為氣出裏若氣未出裏未盡求責疎利亦可
 痘纔瀉則令內陷決不可輕易轉下惟大小便多日不利宜微微利之及痘已靨尚有餘熱停留或作熱或作瘡痍或成癘宜四順飲下之不特消餘毒亦免生他症累試累驗
 每見疹痘者服發表麻黃藥出汗陽氣盡出膚表遂至癍爛臟虛虛則腹痛自利或作寒戰或作陰癘死者多矣

陳痘瘡自初出至已愈之際父母切忌房事

世凡痘瘡勿令親近狐臭漏腋者房中淫慾者及婦人經候醉酒葷穢硫黃蚊藥一切腥臊疫汚蒸濕誤燒油髮五辛發糞淋尿熬油煎卵俱當忌之

海瘡疹忌外人及穢觸之物雖不受風冷亦不可擁遏常令衣服得中並溫涼處坐臥

陳痘瘡發熱口乾煩渴不止者切不可與水喫亦不宜與

蜜紅柿西瓜橘子等冷物食之若脈實中有實熱者不必忌生冷痘瘡

欲靨已靨之間忽不能靨腹脹煩渴不可與水蜜等冷物

食之或頭溫足指冷或瀉渴氣促亦不可與之 十二日

十三日瘡痂已落其痂猶黯或凹或凸肌肉尚嫩不可澡

浴亦不宜食炙煨物酸辣五辛有毒之物恐熱毒熏膈眼

目多生翳障

海世人徒知憐惜過愛信其俗而不藥病已成而方憂摩撫從容無所不從豈知愛之適足以害之惜之適足以棄之始不早治治不全終卒之殞斃勞而無功至是咎醫嗚呼其計亦繆矣

痘出太密

丹疎則無毒密則有毒用涼藥解之雖數十貼亦不妨無

熱

害眼之患

潔一發便密如針頭形勢重者合輕其表而涼其內連翹升麻湯主之

垣鼠粘子湯治癩疹已出稠密身表熱急與此藥防後青乾黑陷

鼠粘子炒二錢 當歸身酒浸 甘草炙 柴胡

連翹 黃芩 黃芪各一錢 地骨皮二錢

右咬咀每服二錢水煎去查溫服空心服藥畢且勿與乳食

田調肝散治瘡疹太盛宜服令瘡不入眼

生犀二錢半 草龍膽一錢 黃芪兩半 大黃二錢

桑白皮炒黃半兩 麻黃去節 鈞藤子各一錢 石膏兩半

瓜蒌仁去皮 甘草炒各二錢

右為麤末每服二錢水煎食後溫服微利效

海出太多者犀角地黃湯地骨皮鼠粘子湯犀角地黃湯方見衄血地

骨皮鼠粘子湯即地骨皮散加鼠粘子是也

丹又解瘡毒藥

絲瓜 升麻 芍藥酒炒 甘草生

山查 黑豆 赤小荳 犀角

右咬咀水煎服

潔癩已發密重微喘飲水者有熱證用去風藥微下之

丹治男子勞傷出痘昏不知人身無全膚者方見痘未愈

痘出不快

大法 錢氏消毒散 化毒湯活人鼠粘子湯已上三方並見本條中有鼠粘子

防風皆發痘之要劑也

右三方發瘡痘皆溫平溫涼藥錢氏所謂三日不出或

出不快即微發之者是也如微發不出者即就與前項藥該每服二錢者即加至三四錢該每日二服者即加至三四服如加藥又不出者即用升麻葛根麻黃桂枝大發之如大發後不多及脈平無事者即瘡稀不可更發如脈洪有熱有大熱者當用四聖導赤八正輩利小便便有大熱者當用芩連及金花丸輩解毒若利小便解毒後又不快則勿發勿下止用抱龍丸治之此皆錢氏心法也

虛

丹勉奴痘已出第三日色淡不肯發此血氣俱虛與此方

人參錢一

白朮炒

黃芪酒

婦身酒洗各

陳皮分二

甘草炙少許

訶子煨一錢

荳蔻煨一錢半

右煎入好酒些飲之

右治氣血俱虛

痘疹痘發未透宜四君子湯加黃芪紫草糯米煎凡醫百

病不可損胃氣故用四君子及糯米等助其胃氣山間孝忠續錢

氏方

世六一湯專發痘瘡之膿

黃芪六錢

甘草炙一錢

右咬咀每服二錢水六分煎入酒二分同煎至半盞溫

服更加橄欖同煎尤好加山藥亦得

右治氣虛

活活血散治瘡子或出不快用白芍藥末酒調如欲止痛

只用溫熱水調嚙下

海藏云張和之治四肢出不快加防風大效此症乃太陰藥也

世四物湯治痘瘡出不快不甚紅活不起根窠緣血虛故

也此藥能活血調順痘疾無如此方自古及今用之如寶

只加甘草服之

右治血虛

丹 女子瘡後出痘血氣俱虛又值冬寒熱易退不出

丁香五粒

附子五分

桂枝半錢

甘草炙二分

人參兩半

黃芪錢一

陳皮

當歸酒洗各五分

異功散治痘瘡已出之間不光澤不起發根窠不紅謂之表虛

木香

當歸各三錢

桂枝

白朮

茯苓各二錢

陳皮去白

厚朴薑製

人參去蘆

肉蔻各二錢半

丁香一錢半

半夏薑製一錢半

附子炮去皮一錢半

右咬咀每服二錢水一盞薑五片葱三枚煎服

右治虛寒虛而不寒者宜用前方血氣俱虛之劑不宜用此必脈虛細四肢身體冷者方可用之

錢 藍根散治瘡疹出不快及倒靨一名二聖散救小兒垂

死

虛熱

板藍根一兩

甘草炙七錢半

右末每服半錢取雄雞冠血三兩點同溫酒少許食後

調下無時甚則三五服立效丹溪云藍能分散敗血

潔 若出不快清便自調知其不在表不在裏當微發之宜升

表裏清便自調宜表

麻葛根湯

錢 消毒散治瘡未出或已出未能勻遍又治一切瘡涼膈

去痰治咽喉痛

牛蒡子炒三兩

甘草炙半兩

荆芥穗二錢半

右同為麤末每服三錢水一盞半去渣溫服海藏云此藥皆溫平

之劑一法加防風薄荷

活 鼠粘子湯治小兒痘瘡欲出未能得透皮膚熱氣攻咽

喉眼赤心煩

鼠粘子炒四兩

荆芥穗

甘草各一兩

防風兩半

右為細末沸湯點服臨臥大利咽喉化痰涎止嗽老幼皆宜海藏云太陽少陽之劑首論溫平者此也

海又法用牛蒡子炒熟為末同荆芥煎服右三方消毒飲加減法也

活化毒湯治小兒瘡痘已出未出並宜服之
紫草茸 升麻 甘草各等分

右咬咀水二鍾粳米五十粒同煎此陽明之藥也海藏云出不快者化毒湯本方用糯米去粳米

丹亞玉痘出兩日不甚透食稍進汗微出熱畧減但食物口中覺有惡味此出得遲發未透須微微表之

升麻 甘草炙 紫草 白朮
陳皮 芍藥炒半錢

作一貼加少酒同煎白芍須炒見其大便雖出不多却

白帶溏瀉

世透肌湯治痘不透

紫草 白芍藥 升麻 秫米粉炒各半

右三方皆化毒湯加減法也

海太陽出不快身之後也 荆芥甘草防已湯

陽明出不快身之前也 升麻加紫草湯聖惠方升麻葛根加紫草

少陽出不快身之側也 連翹防風湯即連翹散

四肢出不快 防風芍藥甘草湯

痘疹煩不得眠者甘桔加梔子湯

桔梗 甘草 梔子 各等分煎服

煩不得眠者宜汗利之

活治痘出不快煩躁不得眠者水解散麻黃黃芩湯升麻

黃芩湯主之海藏云莫若定其氣血用石膏梔子之類尤佳麻黃黃芩湯升麻黃芩湯亦當求責的是

太陽陽明方可用之

水解散治天行頭疼壯熱一二日兼治疱瘡未出煩躁或出尚身體發熱者

麻黃去節 大黃 黃芩 桂心

甘草炙 芍藥各二兩

右為麤末患者以生熟湯浴訖以煖水調下二錢相次二服得汗利便瘥強人服二方寸七風實之人三伏中亦宜用之若去大黃春夏通用

升麻黃芩湯治痘瘡出不快煩躁不得眠 麻黃黃芩湯

治痘瘡出不快益煩躁昏憤或出尚身疼熱者已上二方見小兒傷

寒門

便澁宜流行

錢四聖散治瘡疹出不快及倒靨一方有黃芪

紫草茸 木通 甘草炙 枳殼炒

右等末每服一錢水一鍾煎至八分溫服無時

劉提點云疹痘最要大小分曉錢氏四聖散用木通枳殼極好若大小流利不必苦泥

田紫草迴癩散小兒痘疹出不快或倒靨毒氣入腹

紫草茸 黃芪 桑白皮 木通

枳殼 白木各等分

右為麤末每服三錢水酒各半盞麝香少許同煎服

海紫草木通散治小兒瘡疹

紫草 木通 人參 茯苓

粳米各等分 甘草減半

右為末每服四錢水煎此小便不利之劑也

世人參蟬蛻散治小便不利瘡痘不散燥躁多渴戛牙咬

齒氣麓喘滿

人參 蟬蛻 白芍藥 木通

赤茯苓 甘草 紫草茸各等分 水煎服

錢紫草散發斑疹

鈞藤鈎子 紫草茸各等分

右為細末每服一字或五分一錢溫酒調下無時

海小兒瘡疹出未快可濃煎紫草汁服

右紫草例為通利腠理要藥也

汚血

瘡不綻黃狗蠅四五枚用常酒研細服之未綻再服冬月在耳內取之

雜方

直絲瓜湯發瘡疹最妙絲瓜連皮燒灰存性百沸湯調下

虛實

痘痒塌

丹痒塌者於形色脈上分虛實實則脈有力氣壯虛則脈無力氣餒實痒則勢熾虛痒則氣怯虛痒以實表之劑加涼血藥實痒以大黃寒涼之藥少許與之下其結糞痘瘡痒塌不掩

白朮一錢半

黃芪多半錢

當歸

陳皮各五分

甘草些

水煎溫服

予治一子七歲痘將出未出之際腹泄數行其泄色黑不發根窠三日後痒塌抓即黑色口渴其根窠如水疥狀不紅澤不起發食少脈浮數有力按之虛遂用參芪歸朮陳皮肉荳蔻為君灸甘草訶子桂為佐使水煎熟好酒些少咽下痒立止食立進根窠紅澤而起發二服全愈

雜方

丹輕者用淡蜜水調滑石末以雞羽潤瘡上

陳痘痒難任搔之成瘡或膿或血出者敗草散治之切不可用牛糞灰貼則臭穢癩瘕多矣

屋爛草

屋上爛草也如無墻頭上爛草亦可用此草經霜雪雨露而感天地之氣善解毒

右一味為末每研碎篩末若渾身瘡破爛膿水不絕粘貼衣裳難以坐睡可用二三升攤於床褥上令兒坐臥

其效如神

小兒痘瘡痒難任候搔成瘡及瘡痂欲落不落用上好白

蜜一味塗於瘡上其痂易落可無紫黑癍痕世傳痘癍落後痘毒不盡

變成癩癬其痒難任用陳年鵝脂油傳神妙

又方用羊髓骨髓煉一二沸入輕粉少許研成白膏糞合盛之塗瘡效

痘灰白色

寒熱

丹爐灰白色靜者怯者作寒看躁者勇者焮發者作熱看

凡痘疹白色將靨如豆殼者蓋因初起時飲水多其靨不

齊俗呼倒靨不妨但服實表之劑如毒氣鬱裏消息他大

小便如大便閉通大便小便閉通小便無妨

吳店小兒周歲痘瘡色白甚痒藥中每加參芪半兩

白木五分

丁香兩

當歸錢

官桂三分

黃芪兩

水煎服

虛熱

予族姪女笄年出痘灰白色身熱喘嗽渴脈洪有力與八

物湯加連翹桔梗犀角屑半夏木通紫草乾葛石膏杏仁

連芩前胡瓜蒌仁服之十貼後色紅活喘嗽緩減漸微但

熱未除遂於前方減芪杏胡枳連芩蒺七味服三十餘貼

而安安後髮皆落月餘方起床虛之盛也○又一男子二

十餘歲出痘已破未破者灰白色又雜間以黑陷倒靨者

發熱寒戰身痛脈洪或時弦亦與八物加木通紅花紫草

陳皮連翹服十餘貼而安

痘黑陷倒靨

虛

闔紫草散治瘡痘黑陷曾服此方愈元錢皆云有枳殼難

服

紫草

甘草

糯米

元云此味極好助胃氣

黃芪各等分水煎服

丹痘瘡黑陷二種因氣虛而毒氣不能盡出者用黃芪人

參酒炒紫草治之顏色正者如上治法參芪之補佐以紫草之通利也

如將出成就之際却色淡不正者屬血虛宜用補血藥當

歸川芎白芍酒洗之類或加紅花

如將成就之際却色紫不正者屬熱宜用涼藥解毒升麻

芩連桔梗連翹之類甚者用犀角屑如用後項諸藥色仍不正者宜兼用二法

治之

世回生散治瘡疹倒靨黑陷用人牙燒灰存性入麝香少

許研細每服半錢用黃芪白芍藥煎湯調下立效錢氏方

中用溫酒調下雲岐方中用升麻紫草煎湯調下海藏云若平昔

油膩腸垢者通隔丸下之硃砂為衣與宣風散相表裏錢氏云只用紫草湯自好錢氏方用麝香及酒蓋瘡痘最可怕麝香與酒氣觸禁不可用

湯治痘瘡黑陷藥不能發者有驗用川山甲一味燒存性

為細末入麝香當門子少許一歲五分三歲一錢溫酒調

下一服取效雖半身黑陷欲絕者亦能暫甦而發紅色但

有日閉無覓者不復生矣此方雖驗回生散又佳今詳麝香恐不宜服

衍麻黃湯用麻黃剪去根節五錢用蜜一匙同炒良久以

水半升煎候沸去上沫再煎去三分之一不用查病瘡疱

倒靨黑者乘熱盡服之避風俟其瘡復出一法用無灰酒

煎更速但小兒不能飲酒者難服以此藥入表也世傳此法累用

治瘡黑倒靨猪尾湯無比散龍腦膏子無不驗海藏云若用草藥下

之似勝腦麝必不得已而後用之可也

活猪尾膏治瘡倒靨用小猪尾尖刺血兩點入生腦子少

許同研新汲水調下食後立效

大小結脈實者調和裏

效有

醫學綱目卷三十三

龍腦膏子治時疫發痘瘡及出瘡子未透心煩狂躁氣喘
妄語或見鬼神或已發而陷伏皆宜速治不治其毒入臟
決死用生龍腦一錢研細滴猪心血和丸如豆子大每服
一丸心煩狂躁者用紫草湯化下若瘡子陷伏者用温酒
化下少時心神便定得睡瘡疹發透依常將息取安

一法証極而用故
活人云不得已也

海四糞散治癰瘡倒靨黑陷出御院藥方歌曰人猫猪犬臘

辰燒每服三錢蜜水調選甚倒靨并黑陷萬兩黃金也合

消臘月辰日合
此藥甚驗

子和人中黃臘月者最佳通風處以火煨成煤水調下三

五錢陷者自出丹溪云子和黑陷甚者用燒人屎即此方

也

世治疹痘不透乾黑危困用山查肉一味為末每服二錢

紫草酒送下量兒大小加減徐徐進三四服即紅活

海劉守真涼膈散治小兒癰疹黑陷亦妙然止能治大便

結硬小便赤澁為當若大便小便已通不宜用此惟以易

老去大黃硝者最為穩當

寒戰咬
牙者下
之

錢凡痘疹重者猶十活四五黑者無問何如十難救一其

候或寒戰咬牙或身黃腫紫宜急以百祥丸下之復惡寒

不已身冷出汗耳尻反熱者死何以然腎氣大旺脾虛不

能治故也下後身熱氣温欲飲水者可治以脾氣生勝腎

寒去而温熱也治之宜解毒不可妄下妄下則内虛多歸

於腎若能食而痂頭焦起或未焦而喘實者可下之宜四

順飲瘡赤陷而耳尻反熱者為逆用百祥丸牛李膏各

三服不愈者死

百祥丸一名南陽丸治瘡疹黑陷寒戰咬牙戛齒身黃紫

腫

紅牙大戟

不以多少陰乾漿水煮軟去骨日中曝乾復納汁煮汁盡焙乾為末

右水丸如黍米大每服一二十九研芝麻湯下吐利同

無時此方治憂齒甚妙

牛李膏用牛李子不以多少取汁石器內熬成膏牛李子主野道邊至秋結實黑子成穗如無生者以乾者為末水熬代用每服皂子大煎杏膠湯化下此藥須於九月中取之

睦親宅一大王病瘡疹始用一李醫又召錢氏錢留與抱龍丸三服李以藥下之其疹稠密錢氏見大驚曰若非轉下則為逆病王曰李已用藥下之錢曰瘡疹始出未有他症不可下也但當用平和藥頻與乳食不受風冷可也瘡痂若起能食者大黃丸瀉一二行即止今先下之瘡疹未

能出盡而稠密甚則難治此誤也縱得安其病有三一瘡疥二者癰三者目赤李氏不能治經三日黑陷後復召錢曰幸不發寒病未困也遂用百祥丸為主牛李膏為助各二大服至五日間瘡復紅活七日而愈蓋黑者歸腎水也腎旺勝脾土不尅水故脾虛寒戰則難治所用百祥丸者以瀉膀胱之腑腑若不實臟自不盛也何以不瀉腎由腎主虛不受瀉如二服不效即加寒而死矣

子和治瘡疹黑陷鐵脚葳靈仙為末炒一錢腦子一分用溫水調服取下瘡痂為效

活無比散治小兒瘡疹惡候

硃砂

先研

牛黃

麝香

獐腦

膩粉

細研各一錢

右同研細如有患者小兒一字大人五分入水銀少許

用小猪尾上血三兩點新水同調服寧穩得睡者然後取轉下如爛魚腸蒲萄穗之類涎臭惡物便安小兒用乳汁調妙海藏云此瀉內熱之極不能開發於外則宜此內雖過泄外亦開發即透肌膚之藥與至寶丹同

雲小兒癩疹黑陷方

乾胭脂三錢 胡桃一箇燒存性

右為細末煎胡荽酒調下藥一錢立效

右治死血黑陷凡前方用川山甲及麝香等藥治黑陷皆為氣滯者設也

雜方

雲治癩疹黑陷用臘月禿梟腦子一箇或二箇以好酒調

服若乾者以好酒浸少時化開依上條服立效禿梟百勞鳥也

無箬葉散治倒靨用箬葉一味燒灰為末麝香酒下

錢瘡黑而忽瀉便膿血并痂皮者順水穀不消者逆何以

診

然且瘡黑屬腎脾氣本強或舊服補脾藥脾氣得實腎雖用事脾可制之令瘡入腹為膿血及連痂皮得出是脾強腎退即病出而安也瀉米穀及瀉乳不化者是脾虛不能致腎故自泄也此必難治海藏云瀉出痂皮根在內也表裏俱病是為火鬱水穀化者順水穀不化者逆

未綻一齊黑者為陷已綻而不齊黑者為將靨

虛寒

世憎寒困倦或發寒戰能令痘子縮伏宜用陳文中異功

散方見痘出不快條

虛熱

金寒戰咬牙黑陷者百祥丸下之方見黑陷條嘗治痘瘡寒戰

用白朮芪歸加苓治之愈

痘發熱

熱

丹胡宅痘瘡發熱此血少有餘毒也

陳皮

白朮

歸身

白芍藥

各三錢

牛蒡子

研破炒二錢

木通

犀角

生甘節

川芎

各一錢半

分六貼水盞半煎食前稍熱服

治連翹散治一切熱兼治瘡疹如神

小熱者解毒

連翹

防風

梔子

甘草

各等分

右為末水煎服

海藏云治熱在外而不礙此少陽藥也

易老云涼膈去大黃芒硝者能解六經中熱此不惟解熱

治小兒斑疹熱候亦使發之則本藥與防風荆芥二物各

半白水煎服

河梔子金花丸

黃芩

黃連

黃柏

山梔

炒各等分

右末滴水丸如葶子大每服五丸白湯下

錢三黃丸治諸熱

黃芩

大黃

黃連

各二錢半

右為細末糊丸葶葶大每服五七九至十五二十九食

後米飲送下

右錢氏云有小熱者解毒海藏謂解毒者三黃丸金花

丸之類是也

四聖散

方見出

海藏紫草朮通湯

方見同上

導赤散

方見治虛

煩渴腹滿喘便澀者利實小便

丹有初起煩躁譫語狂渴引飲若飲水則後來麤不齊急

以涼藥解其標如益元散之類可用

右五方利小便退熱之劑錢氏云有大熱者利小便又

云身熱煩渴腹滿而喘大小便澀面赤悶亂大吐此當

利小便蓋此用導赤散之類是也

利小便
後熱不
退者下
之

錢宣風散

檳榔兩箇

陳皮

甘草各半兩

牽牛四兩生半熱半

右為細末三三歲蜜湯調下五分已上一錢食前易老
加防風

雲通膈丸利上下氣血藥也

大黃

牽牛

木通各等分

右為細末滴水丸如粟粒大每服三五丸量兒大小
虛實加減

右錢氏云有大熱利小便不瘥者宜宣風下之

瘡痘得
水而活

子和蔡河有舟師偶見敗蒲一束沿流而下漸泊舟次似
聞啼聲而微開視之驚見一兒四五歲許瘡疱周匝密不
容隙兩目皎然飢而索食因以粥食之其妻怒曰自家兒
女多惹瘡疱傳染奈何私料蔡河流緩必不遠持兒一鞋

逆流而上徧問皆曰無此兒行二十里又至一村落舟師
呼於市曰有兒年狀如許瘡疱死棄河中今復活忽酒邸
中有人出曰我某村某人也兒四五歲死於瘡疱舟師出
其鞋其人泣曰是吾兒也奔往視驚見兒活流涕拜謝舟
師抱兒歸今二十餘矣此兒本死得水而生第未諗其瘡
疱之疾寒耶熱耶

痘寒熱

虛
大和散治瘡痘後寒熱往來嗜臥頓悶躁亂

生地

當歸

地骨皮

人參

甘草炙

白芍藥各等分

右咬咀每服一錢水半盞煎至三分去渣溫服

痘渴

虛
丹陳十妹年九歲出痘而有孕七箇半月大渴不甚出透

寒熱交作血虛氣虛

人參

白朮

黃芪

陳皮

甘草 炙

婦身 各一錢

薑三片 酒水各半盞煎服

海瘡疹大腸閉澀或發渴四君子加瓜蒌根桔梗主之

若身熱小渴者六味人參麥門冬散治之如不愈或身熱

大渴者七味人參白朮散治之又不愈十一味木香散

六味人參麥門冬散

麥門冬

去心

人參

去蘆

甘草 炙

陳皮

白朮

厚朴

薑製各半兩

右咬咀每服三錢水一盞煎至六分去渣溫服虛人減

厚朴

七味人參白朮散

方見消渴門○已上四方四君子加減法也

面赤煩躁大小

丹初起煩躁渴引飲者急以涼藥解其標

澀為熱

錢身熱煩渴腹滿而喘大小便澀而赤悶亂大吐此當利

小便不澀者宜風散下之

面白腹脹瀉為寒

陳十一味木香散集驗方本治瘡痘身熱作渴

方見後瀉條

文中云腹脹渴者瀉渴者足指冷渴者驚悸渴者身溫渴

者身熱面皯白色渴者寒戰渴不止者氣急咬牙渴者飲

水轉水瀉不已者已上九證即非熱也乃津液少脾胃肌

肉虛故也宜木香散治之如不愈更加丁香官桂

此說必加審用

之脹渴瀉瀉渴驚悸渴寒戰渴咬牙渴亦多屬熱者不可不察

痘渴瀉

丹陳牙兒十九歲出痘有紅癍吐瀉而渴

蒼朮

白朮

黃芪

陳皮

茯苓

甘草 炙

礞砂

當歸

薑三片同煎服

虛

身熱脈洪數為熱

從子六七歲時患瘡痘發熱微渴自利一小方脈視之用木香散每貼又增丁香十粒予切疑焉觀其出遲因問自利而氣弱察其所下皆臭滯陳積因腸胃熱蒸而下也恐非有寒而虛遂急止之已投一貼矣繼以黃連解毒湯加白朮與十貼以解丁香之熱利止瘡亦出其後肌常有微熱而手足生癢癩與涼劑調補踰月而安 一男子十餘歲出痘熱時出根脚密嘔吐不食腰背骨節痛大渴喉痛腹亦痛全不食者半月餘脈浮弦洪而數與參芪歸朮炙甘草陳皮半茯苓生薑煎服之至五日色淡又加桂些少歸芪再用酒製至七日痒甚加丁香三粒附子些少痒止至八日九日渴大作而腹泄瀉痒甚至十日寒戰遂用白朮為君芪陳苓炙甘草歸為臣至十一日不屬或痒或譫語但守前藥半月後自吐出痰多而安

逆冷脈虛遲為寒

陳十一味木香散治疹痘腹脹渴其效如神必須密察的虛細身不甚熱或發寒或嘔吐肚腹痛或身解四肢俱冷者可用此方出集驗

木香

大腹皮

人參

官桂

赤茯苓

青皮去白

前胡

訶子皮

半夏

丁香

甘草

炙各三兩

右咬咀每服二錢水一盞薑三片煎空心溫服

異功散集驗方瘡痘頭溫足冷腹脹瀉渴方見痘出不快

張巽之云吐瀉渴少食為裏虛異功散減官桂主之此症

瀉渴不可喫蜜水痘出之間不光澤不起發根窠不紅或

瀉渴或腹脹或氣促是為表裏俱虛與異功散送下七味

肉苳蔻丸治之異功散方見痘出不快

痘瀉不渴

海瘡疹不渴臟寒下利四君子加乾薑減半主之

虛寒

表裏俱虛

痘疹大便不固痘漸黑陷小兒乳母同服

人參 白茯苓 肉苳蔻 黃芪 各半兩

甘草 錢二

右咬咀每服一錢水半盞薑五片棗一枚煎三分乳母倍服若大瀉手足厥冷加附子用驗

陳 苳蔻丸治痘疹泄瀉

木香 砂仁 白龍骨 訶子肉

肉苳 麩裹煨 各半兩 赤石脂 白礬 枯各七錢半

右為末糊丸如黍米大一歲三十九三歲百丸溫米飲下瀉止勿服

痘吐逆

及熱

世 痘瘡吐逆無痰益黃散有痰二陳湯或橘皮半夏湯不止者加丁香若吐而瀉者亦宜益黃散及陳氏木香散異

功散 吐而身熱煩渴腹滿喘大小便澀面赤者當利

便不瘥者宜風散下之 全文見大法

痘腹脹

熱

丹 勉奴痘後渴肚急小便少發熱

芍藥 五分 川芎 三分 白木 五分 陳皮 五分

乾葛 三分 甘草 錢一 木通 三分 水煎服

寄子五歲痘後肚急

白木 錢一 陳皮 木通 各五分 犀角

川芎 白芷 各七分 甘草 錢三 水煎服

虛寒

陳文中木香散治痘瘡腹脹渴瀉 方見痘渴瀉

實熱

腹滿而喘大小便澀身熱面赤悶亂大吐者當利小便不瘥者宜風散下之 全文見大法

痘腹痛

痘腹痛多是痘毒當臨證消息

寒

丹吳店子出痘瘡腹痛

丁香二枚

官桂

芍藥各一錢

白朮

當歸各五分

熱

右作一貼服

常治痘始出腹痛或身痛脈洪數者解

表涼藥加芍藥甘草漸安

痘喘

世瘡痘出後喘急痰盛宜杏仁湯人參清膈散

寒熱

杏仁湯治瘡痘煩喘渴躁

麻黃

桑白皮

杏仁

甘草

右等分爲麤末每服三錢水一盞煎食後服

海瘡疹肺不利紫草甘草枳殼湯

虛熱

人參清膈散

人參

桑白皮

柴胡

當歸

芍藥

知母

茯苓各半兩

白朮

黃芪

紫苑

地骨皮

滑石各一兩半

甘草

桔梗各一兩

黃芩半兩

石膏一兩

右咬咀每服三錢水煎溫服

實熱

痰實壯熱胸中壅悶臥則喘急前胡枳殼湯主之

前胡

枳殼

赤茯苓

甘草各五錢

大黃量兒加減

右咬咀每服三錢水一盞煎六分旋服

寒

喘而腹滿大小便澀者利小便不澀者宣風散下之法錢氏

痘大便秘

虛

海治瘡疹已出未出大便秘澀或時發渴四君子加瓜蒌

實

根桔梗治之

當歸丸

當歸兩半

甘草一分

黃連

大黃各二錢半

先將當歸熬膏子入藥末三味為丸加服之以利為度

海惠變百祥丸治癩疹大便秘結

紅牙大戟去骨一兩

青州惠去核十枚

右用水二盞同煎至水盡為度去大戟將惠焙乾可和作劑旋丸從少至多以利為度

活洗心散治痘瘡壯熱大小便不利狂言多渴

大黃

甘草

當歸

麻黃去節

白朮

芍藥

荆芥各等分

雜方

陳四五日不大便者可用肥嫩猪脂一塊白水煮熟切

豆大與兒食之令臟腑滋潤瘡痂易落百無碍滯

痘餘毒

診治

海癩瘡餘毒或肝虛入眼目或肺虛為癬疥或為癰癤發

在骨節腎之虛也發在肌肉脾之虛也或在筋或在頭或

在面或牙齒疳蝕或咽喉腫痛各隨經而見皆毒不散蘊

積而成或病人始不早治或醫者失治遺於經絡其所由

來蓋有自矣宜服解毒等劑

世痘毒攻脾則泄瀉身浮攻肝則眼生翳膜攻心則煩躁

啼哭攻腎則耳疼膿聚攻肺則咳嗽痰涎

丹治小兒痘瘡餘毒未散食穀太早補住毒氣

鼠粘子六錢

甘草五分

犀角三錢

荆芥

防風各一錢

白朮三錢

枳殼一錢

水煎溫服

痘入目

丹法

丹如痘傷眼必用山梔赤芍决明婦鬚連翹防風桔梗升麻小劑末之調服如眼無光過百日後血氣完復則自明矣

張炳治瘡疹後毒氣攻眼或生翳膜赤黑之類宜用四物湯加荆芥防風煎服兼用黑豆皮殼精草海蛤甘草等分爲末用熟猪肝切片蘸服神妙一方治痘毒目翳用江西蛤粉黑豆皮甘草蜜蒙花

丹痘後生翳數服用葳靈仙仙靈脾等分洗淨不見火與日爲細末每服隨時宜第三次米泔下

錢氏法

錢氏黃栢膏痘初出塗面護眼方見痘大調肝散治瘡疹大盛服之不入眼方見痘密羊肝散即下蜜蒙散方見活人條蟬蛻散治癩瘡入眼半年已裏者一月取效猪羊蹄甲二兩入罐子內鹽泥固封燒存性蟬殼末去土取一兩

右二味研入羚羊角細末二分拌勻每服一字百日外兒一二分三歲三四分漿水或新水調下日三四夜一二食後一年已上者不治

治瘡疹入眼

馬屁勃兩半 皂莢子十四粒 蛇皮兩半

右入小罐子內鹽泥封固燒存性研細温酒調下三錢食後

治瘡疹入眼或翳

括萎根兩半 蛇皮二錢

右爲細末用羊肝一箇批開入藥末二錢麻線纏定米泔煮熟頻與食之兒未能食肝乳母多食之

又方用蟬蛻末以水煮羊肝湯調服二三錢

海藏法

海地黃散治小兒心肝壅熱目赤腫痛生赤翳或白膜遮

睛四邊散漫者尤易治若暴遮黑睛者多致失明宜速用此方亦治瘡疹入眼

熟地

當歸各一分

黃連

大黃煨各一錢

生地去心

木通各一分半

防風

羌活

生犀末

蟬蛻去土

木賊

穀精草

白蒺藜

沙苑蒺藜已上各一錢

甘草半錢

玄參五分

右為細末每服一字或五分見大小加減煎羊肝湯食後調下日三夜一忌口將息大人亦治

東垣法

垣治痘瘡風熱毒翳膜暈遮睛以瀉青丸治之大效初覺

易治

雲用竹葉湯和沙糖水化下瀉青丸二丸漸至微利神效

活人法

活瘰入眼用决明撥雲密蒙花通聖蛤粉散之類然無出

此書海藏云莫若病時隨經而取不使毒氣轉入眼中為尤妙然眼有五輪亦當求責此言為失治者說也

决明散治瘡痘疹入眼海藏云此少陽太陰之劑

决明子

瓜蒌仁各半兩

赤芍藥

甘草各一分

右為細末入麝香少許令勻每服二錢生米泔調下臨臥服

撥雲散治瘡痘入眼及生翳用桑螵蛸真者一兩炙令焦

細研搗為末入麝香少許每服二錢米泔調下

密蒙花散治小兒痘瘡入眼及無辜疳氣入眼

密蒙花三兩

青箱子

决明子

車前子各一兩

右末拌勻用羊肝一大片薄批摻上濕帛裹煨熟量多

少空心服之錢氏海藏云即羊肝散

通聖散治疹痘瘡入眼及生翳

白菊花

如無甘菊代之然不如白菊好

菘豆

穀精草去根一兩

右為細末每服一大錢柿乾一箇米泔水一盞同煎候米泔盡只將柿乾去核食之不拘時日三枚日近者五七日遠者半月取效

蛤粉散治小兒瘡子入眼

穀精草

蛤粉各等分

右為細末每一錢七猪肝一兩許批開摻藥捲了用竹箬裹麻線縛定水一碗煮令熟入收口甕瓶薰眼候温取食之日作不過十日退

針灸

明 癰瘡入眼 大杼壯

痘咽痛

表熱

治 如聖餅子治小兒瘡疹毒攻咽喉腫痛海藏云隨經此一方即是隨經

牛蒡子炒

甘草各一兩

麥門冬去心半兩 桔梗一兩

右為末加竹葉同煎細細服之海藏云減門冬竹葉甘

鼠粘子湯 消毒飲二方並見前

雲 小兒癰出欲透皮膚身熱咽喉不利甘草桔梗升麻湯

甘草半兩

桔梗一兩

升麻半兩

右劉細每服一大錢水煎服

無

錢 甘露飲子治心熱咽喉痛口舌生瘡并瘡疹已發未發並可服之治熱上攻牙根腫痛動搖

生地

熟地

天門冬去心

麥門冬去心

枇杷葉去毛

枳殼炒

黃芩去心

石斛去苗

甘草炒

山茵陳

右各等分為籠末每服二錢水一盞煎食後温服牙齒

腫痛則含嗽并服海藏云甘露飲為血劑

田 地黃丸治小兒痘疹口瘡喉腫痛牙疳臭爛

天門冬

麥門冬

玄參各三兩

甘草

薄苛各一兩

右為細末生熟地黃汁和丸櫻桃大每服一九溫蜜水化服

痘風

虛實

丹痘風分氣血虛實以日子守之多帶氣血不足 虛則

黃芪生血之劑助之畧佐以風藥 實則白芍黃芩為君連翹白芷續斷之類為佐若屬寒陳氏方可用

楊氏女年十餘歲痘發不透屬落後骨節痛食少夜間或熱此餘毒在內虛甚難於疎導須在補中有通此方主之

當歸

白朮各一錢

犀角二分

陳皮一錢

通草

甘草根各五分

蘇梗三分

右咬咀生薑三片水煎溫服

男子七歲痘瘡初出不透毒氣攻內骨節作痛兩足不可

直癩痕欠紅活脈浮而和小便赤少

婦身

白朮各一錢

陳皮

木通

犀角屑

人參

茯苓各五分

甘草各二分

右分二貼煎服

痘癩搐

風火

錢瘡疹搐由風火相勝也惟癩疹能作搐疹為脾所生脾

虛而肝旺乘之木來勝土熱氣相擊動於心神心喜為熱神氣不安因搐成癩癩子為心所生心生熱熱則生風風

屬於肝二臟相搏風火相爭故發搐也治之當瀉心肝補

其母括萎湯主之

海藏云諸痛痒瘡皆屬於心火無論虛實皆從心火上說脾虛則肝乘之肝與

心火相合故用括萎湯若脾土實火旺逆乘而成癩者此實邪也便結者瀉青丸便軟者瀉青湯亦當以脈別之

括萎湯方見驚風

潔凡未出而發搐者是外感風寒之邪內發心熱之所作

疹後因搐成癩

也當用茶粉下解毒丸犀角地黃湯主之

世治瘡痘欲出身熱煩躁忽發驚搐宜驅風膏小如聖飲小便不通八正散延盛利驚丸抱龍丸量症施之

丹欲發瘡疹先身熱驚跳搐搦此非驚風宜發散藥

世麻痘風搐方

人參

羌活

防風

南星薑製

白附薑製

甘草炙

右等分生薑三片水煎服其搐立止

錢癩疹病後欲發癩餘瘡難發癩以木勝脾木歸心故也若涼驚用涼驚丸溫驚用粉紅丸即溫驚丸

痘瘡痛

活治痘瘡痛用溫驚丸水化下方見前驚搐條

海治瘡出煩痛五物木香散

青木香二兩

丁香

零凌香各一兩

麝香一分

白礬一兩

每服四錢水一小盞半煎服之熱盛者加犀角一兩如無犀角以升麻代之輕者一服大效

雜方

又方以芒硝和猪膽塗瘡上令動痂落無癍仍用黃土抹之良此病小便澀有血者中壞瘡背黑癍不出膿者死不療

世痘將結屬乾硬而痛宜塗酥潤之屬可揭去則去之如無酥用猪油煎汁代之此痛非服藥可免也

痘膿而不痂

痂居牙切瘡屬曰痂

海癩疹膿而不焦此本治失清涼之氣有如五穀得陽氣而成熟非涼風至則不能實也天地嚴肅之氣一加則萬物秀而實矣與癩疹何異須察何經而清涼之或下而成

雜方

嚴肅之氣則瘡氣必不至於膿而不痂矣要當知之餘毒不盡而疾作蓋出於此當是清涼飲子下之是也非陽和則苗不秀非嚴肅則秀不實劉涓子訣云痘發如膿窠不肯腐者但調沙糖水與喫劉提點云亦曾試用但後來結癍痕白錢五七日痂不焦是內發熱蒸於外故不得焦痂也宜宣風散導之用生犀磨汁解之必著痂矣

陳痘已腐未愈之間忽被風邪搏之成疔瘡宜雄黃散綿

蠶散治之又不愈多漬骨傷筋殺人

雄黃散治小兒牙齦生疔蝕瘡

雄黃錢一 銅碌錢二

右二味同研極細每用量瘡大小乾貼綿蠶散治小兒因痘瘡身體及肢節上生疔蝕瘡膿水不絕用出蛾綿蠶以生白礬搥碎入蠶內令滿炭火燒令白

礬汁盡取出研極細每用乾貼瘡口上

錢凡痘瘡方纔著痂即用菜油不住潤之可揭則揭若不潤及遲揭瘡痂硬即隱成癍痕矣

陳痘痂雖落其癍猶黯或凹凸肉起當用滅癍藥塗之

韶粉兩一

輕粉字一

右研細入煉過猪脂油拌和如膏塗癍上

痘後瘡癍

熱毒

世連翹散治小兒瘡疹癍痘疹餘毒作楚或生於頭面耳疼頰赤生瘡

連翹

黃芩

瞿麥

木通

滑石

柴胡

荆芥

牛蒡子

防風

羌活

赤芍藥

甘草各等分

每服三錢水一盞煎半盞又入生薄荷尤好

痘瘡

實毒

痘瘡多是實毒血熱成瘡分上下用藥一日不可緩成膿必用清熱涼血為主赤芍藥甘草節連翹桔梗之類

上引用升麻葛根下引用檳榔牛膝更助以貝母忍冬草白芷瓜蒌大便燥用大黃寒熱用芩栢此法累效

保木香散治小兒癩後生瘡如神

地骨皮兩

木瓜兩

川山甲炙黃三錢半

麝香一字

右為末米飲下二錢

丹痘瘡傳藥用貝母南星殭蚕天花粉寒水石白芷草烏大黃猪牙皂角醋調傳患處效

中惡

揚小兒神守則強邪不干正若真氣衰弱則鬼毒惡氣中

之其狀卒然心腹刺痛悶亂欲死是也凡中惡腹大而滿診其脈緊細而微者生脈大而浮者死即服蘇合香丸未醒以皂角末搐鼻次服沉香降氣湯加人參茯苓又能辟邪客忤亦宜服

降真香

白膠香

沉香

虎脛骨酥炙

人參

鬼箭草

草龍膽各五錢

右為末次入雄黃五錢麝香一錢煉蜜丸乳香湯化又令兒帶及燒臥內尤妙

廣治中惡客忤唾化麝香二錢重研和醋二合服之即瘥

海龍腦膏治小兒發熱在心胃卒不知人方見痘黑陷門即活人方

中暑

湯凡中暑悶倒急扶在陰涼處切忌與冷若得冷即死當用補藥及熱湯熨臍腹間煖即瘥如無湯即搨熱土暈於臍上仍撥小窩子尿於中可代湯熨之良久嚼大薑一塊

以水嚥下續用解暑藥

針灸 甲小兒口中腥臭脇膈氣滿勞宮主之

客忤

湯 客忤者小兒神氣軟弱忽有非常之物或未經識見之人觸之或經歷神廟佛寺與鬼神氣相忤也故謂之客忤亦名中客其狀吐下青黃白色水穀將下時腹痛反倒面變五色其狀若癩但目不上插耳其脈數者是也亦宜服蘇合香丸并真珠散

真珠散治客忤驚風鬼疰驚邪痰熱心舍不寧精神不定心常怔忡睡中驚跳時或咬牙五心煩熱有汗兼喘面赤舌白呵欠煩渴小便赤瀉或吐利黃沫常服辟邪安神

真珠 海螵蛸 滑石 白茯苓
人參 白附子 甘草 全蝎

麝香

腦子

生珠

金銀箔

銀二片

金三片

右末和勻半錢煎燈心麥門冬湯入蜜少許調服日午臨臥各一服

田 客忤因而驚忤者治法用竈中黃土研二兩鷄子一枚去殼二件相和入少許水調先以桃柳枝湯浴兒後將此

藥塗五心及頂門上

陳無擇法用灶中黃土蚯蚓屎等分如此法塗之

外 治卒客忤噤口不能言細辛桂心等分納口中效

國

大
學
文
庫

